

FARA-TENY IRAY

 Tsy manao zavatra iray ho anareo fotsiny ve izany? Manao tokoa izany. Ndao isika hiondrika ao amin'ny vavaka ankehitriny.

² Tompo, araka ny nolazaina anay tao amin'izany hira fiderana maha-te-ho tia izany hoe, *Fa Lehibe Ianao*, dia mihevitra izahay, izao maraina izao, hoe inona no ho nataonay raha tsy izany lanao! Ary avy eo rehefa mieritreritra izahay fa tena lehibe Ianao, ka noho izany dia ny Fitavanoa no nanery Anao tena hihevitra anay, amin'izay fotoana izay dia saiky tsy hain'ny fanahiko ny handray an'izany. Marina izany. Mivavaka aho mba Hitahianao anay androany, raha manohy miditra ao amin'ny fotoana izahay, mba Hamakianao aminay an'ilay Mofon'Aina, izay ny fanambaran'i Kristy. Fa mangataka an'izany amin'ny Anaran'i Jesosy izahay. Amena.

³ Mpihavy tsy an-kitsahatra eto amin'ny tabernakla Rahalahy Ungren. Ary mipetraka any Memphis izy, Tennessee, izy sy ny reniny, ny vadiny. Ary tonga eto amin'ny tabernakla ilay fianakaviana manontolo. Ary tena mahalana no ahafahako mandre azy, satria feno foana ny fotoana, fa izao maraina izao dia nanapa-kevitra aho ny handre azy hihira an'io hira io. Mihira hafa iray izy, iray amin'ireo tiako indrindra hoe, *Nidina Avy Tany Amin'Ny Voninahiny*. Ary ireo no hira tiako indrindra. Ary efa nanana tombontsoa lehibe aho nihaona tamin'ny rainy, izao maraina izao, ny fotoana voalohany hany nananako an'izany tombontsoa izany, lehilahy iray mahafinaritra. Ary—ary Rahalahy Ungren, ny rainy, dia—dia tsy handeha mihitsy raha mbola velona foana ny zananilahy, Morris, satria mitovy tokoa izy ireo.

⁴ Ary ny vadiny, ny renin-dRahalahy Morris Ungren, dia vao avy niaina mihitsy an'ireo dimy ambin'ny folo taona farany nohon'ny fahasoavan'Andriamanitra. Nanana tsindrimandry lehibe iray tokoa izy ho ahy, ny mahita an'izany; nandalo an'ireo ora maizina izay nananany, kanefa dia nihazona tamin'ny tangan'Andriamanitra tsy miova. Izany no maneho amintsika an'ilay maha-tena izy ny Kristianisma, sy ny finoan'ireo izay mino azy. Noho izany, dia tena faly aho ny amin'izany izao maraina izao.

⁵ Vao avy nanao fampakaram-bady iray izahay, tao ambany. Nivady ny roa amin'ireo zanako, ary ireo zanako avy amin'ny tabernakla; i Billy Simpson kelintsika sy ilay zazavavy kely Myers, efa nifankatia nandritry ny fotoana vitsivitsy izy ireo; Sharol, eny. Izy ireo dia... Izy ireo koa dia mpihavana eto, na ilay Sharol Myers kely izany, amin-dRahalahy Ungren sy

izy ireo. Noho izany, dia faly isika ny amin'izy ireo, hitako fa efa naka ny toerany izy ireo, taorian'ny nivadiana, niverina avy hatrany ato amin'ny toera-malalaky ny fiangonana, ary mipetraka hihaino ny fotoana. Efa nanana toerana lalina iray tato am-poko foana ireo ankizy ireo, satria tena manaja ny Teny izy ireo. Izy ireo—tia ny Teny fotsiny izy ireo. Tsy mihevitra aho fa, fa raha miantso azy ireo ho zanako aho, dia tsy mihevitra fa izy ireo no tsaratsara kokoa noho ireo ankizy hafa. Fa miandry ahy fotsiny izy ireo, ary izaho—izaho—miandry an'Andriamanitra ho azy ireo aho.

⁶ Te-hanambady i Billy kely, ary avy eo dia natahotra izy fa hoe tsy maintsy handeha any amin'ny tafika izy. Ary nisy roa na telo tamin'izy ireo no tao amin'izany toerana iray izany. Ary nanatona ahy ireo zalahy ireo, ka nanao hoe, “Rahalahy Branham, izahay—tsy te-ho mpanaoao foana izahay na inona, fa tianay ianao hanontany an'Andriamanitra.” Ary nomen'izy ireo ahy ny fototra izay tian'izy ireo hialana amin'ny tafika, raha azon'izy ireo hatao; tsy hoe satria tsy te-hiaro ny firenena izy ireo, ao amin'ny zavatra rehetra izay azon'izy ireo hatao. Fa ilay zavatra dia, raha izy ireo—raha nandeha izy ireo, dia ho tonga eo anivon'ny karazan'olona ratsy izy ireo any ao amin'ireo (tsy fantatro izay iantsoanareo azy) an'ny PX, na izay hany iantsoanareo azy, ary avy eo dia hivoaka eo amin'izay misy an'ireo vehivavy mitanjaka tapany manao hadalana. Tsy toerana ho an'ny zazalahy Kristiana iray izany, ary noho izany dia nanaiky ny fangatahan'izy ireo Andriamanitra.

⁷ Ary ankehitriny dia tonga i Billy kely izao maraina izao, mba hivady amin'io Sharol kely mahafinaritra io, noho izany dia faly isika ny amin'izy ireo. Ary mirary azy ireo ny tsara indrindra ao amin'ny Fanakan'Andriamanitra isika, ho azy ireo.

⁸ Ary fotoana lehibe iray ho antsika izany ankehitriny. Manana kilasy Sekoly Alahady mahafinaritra iray isika eto izao maraina izao, fiangonana iray hipoka, noho izany dia tena faly isika. Ary matetika, ireo mpitoriteny, izany—izany dia mankahery antsika ny mahita ny olona tonga sy mihaino anareo. Satria, hitanareo, tsy tianareo ny miresaka amin'ny dabilio foana, satria izy ireo dia . . . Hiresaka tahaka an'izany foana isika raha misy olona anankiray eto. Kanefa tsapa ho tsara ilay izy rehefa mieritreritra ianareo hoe, “Raha diso *ity* anankiray *ity*, dia hahazo azy ilay anankiray hafa, hitanareo.” Ary izany no manao an'ilay izy ho hafa, manao an'ilay izy ho lehibe.

⁹ Ary ankehitriny, tao amin'ireo fifampiresahana fotsiny vao teo, izao dia, raha afaka hiditra amin'izy ireo haingana mihitsy isika.

¹⁰ Nihaona tamin-dRahalahy Boutliere aho rehefa nivoaka, ary tsy nahita azy hatramin'ny nahatongavako teto. Hoy aho hoe, “Taiza ianao?”

Hoy izy hoe, “Nanomana sakafo vorontsiloza ho azy ireo aho.”

Ary noho izany dia niteny taminy aho fa nahavery lanja sasantsasany aho. Hoy izy hoe, “Ianao ve?”

Hoy aho hoe, “Tsy niova ianao na kely aza.”

Hoy izy hoe, “Na ianao koa aza.”

¹¹ Hoy aho hoe, “Tena diplaomasia mihitsy izany.” Hoy aho hoe, “Fa, fantatrao, nihena aho. Avy tamin’ny fitopolo amby zato, nankany amin’ny dimy amby efapolo amby zato, noho izany dia azoko antoka fa niova aho.” Ireo palitao sy patalohako rehetra, ihany koa, dia lasa goavana loatra amiko. Ary vao avy nividy anankiray ho ahy ny olona iray indray andro, noho izany dia afaka manao azy aho eto; anankiray izay tsy mihantona eo amin’ny soroko, ary tsy miroraka ny tepany.

¹² Fa izaho dia—miezaka aho ny manao ny tena tsarako indrindra ho an’i Jesosy Kristy raha mbola manana anjara iray hanao an’izany aho. Ary ny fanampianareo mahafinaritra!

¹³ Niteny aho tao amin’ny efitra vao teo, hitako ilay Fanahy Masina lehibe nanala homamiadana iray avy teo amin’ny vatan’ny vehivavy anankiray, tao mihitsy. Izy dia—vehivavy iray avy any Texas izy. Ary nipetraka tao ny ramatoa iray, fa tsy mbola nahita olona iray nikorontan-tsaina betsaka mihitsy aho, vadin’ny mpitoriteny iray, fotoana vitsy lasa fotsiny izay. Koa naneho fahitana iray tamiko ny Tompo mikasika azy raha nipetraka teo, ary nahita azy aho. Avy tany New York izy no niantso, ary naniry ny ho tonga teto izy. Dimy minitra fotsiny no nananany, avy eo dia hitako ny vadiny nijaly tamin’ny aretim-bavony iray, ary ny nahatonga an’ilay aretim-bavony dia ny fahalinany amin’ny vadiny. Andriamanitra Tsitoha, no nampitonan’io vehivavy mipetraka eo io. Mipetraka izy, mijery ahy ankehitriny. Noho izany, ary te-hiteny aminao koa aho, rahalahy, fa mifarana ny aretim-bavoninao. Hitanao? Hia, ho salama ianao ankehitriny ary hiverina ao amin’ny asan’ny Tompo.

¹⁴ Ankehitriny, rehefa mahita zavatra iray izay ataon’ny Tompo ianareeo, ianareeo—tsy afaka mahafeno an’ilay izy fotsiny ianareeo. Te-hanohy handeha fotsiny ianareeo, hanohy handeha, hanohy handeha, hanohy handeha.

¹⁵ Ary, ankehitriny, nanana fotoam-bavaka lehibe iray isika omaly hariva, ary tsara izany, mahafinaritra izany. Mametra-tanana eo amin’ireo marary, zavatra tsara iray izany. Izay ihany no ilain’izany, indraindray. Ary avy eo dia misy sasany izay isian’ny zavatra iray ery aoriania ery, izay izy ireo—tsy mety azon’izy ireo, ka tsy maintsy maka an’io olona io ianareeo ary mahita hoe inona izany. Hitanareo, misy zavatra iray izay manakana azy ireo, zavatra iray izay mipetraka eo amin’ilay lalana. Ary aloka kely iray no hanozongozona an’izany hiala.

¹⁶ Ankehitriny, ilay ramatoa kely tao fotoana vitsy lasa izay, tena nigorontan-tsaina izy, tena ketraka. Ramatoa kely mampalahelo, tsy afaka nahazo ny fofon'ainy akory aza izy. Izy fotsiny dia . . . [Misintona sy mamoaka fofon'aina Rahalahy Branham, misintona fofon'aina mafy—Mpand.] ary izao fotsiny—manohy fotsiny, hitanareo.

¹⁷ Ankehitriny, izany ilay zavatra tsy maintsy ataonareo. Eto dia zavatra kely iray fotsiny ato anatiny ato, hitanareo. Ilay izy dia mahazo ny fanahiny. Hitanareo? Ary atosakareo aminy ny tena eritreritrareo avy eo. Hitanareo? Dia manova ny fisainanareo ianareo. Hitanareo? Avy eo rehefa manao an'izany ilay izy, amin'izay fotoana izay dia afaka mametraka azy eo afovoan'i Kristy ianareo, ary avy eo no ahafahany manohy. Fa tsy maintsy manova ny fomba fisainany ianareo, hitanareo. Tsy afaka manova an'izany samirery izy. Mandeha ao anatin'ny tadio iray fotsiny izy, ary tsy maintsy azonareo izany. Ankehitriny misy zavatra kely iray eo izay hanome anareo sasantsasany. . . Aza manandrana hianatra an'izany; aza manao an'izany. Inoy fotsiny ilay izy dia manohiza.

¹⁸ Ahoana no nahafahan'ilay zaza kely, nandry teo amin'ireo sandrin'ny reny tany, efa maty hatramin'ny sivy ora tamin'io maraina io, tamin'ny alina mihitsy tamin'io alina io, taiza io fanahy kely io? Tsy maintsy mandeha mitady an'io fanahy kely io ianareo ary mamerina azy indray. Ary amin'izay fotoana izay rehefa mahita azy miverina ianareo, amin'izay fotoana izay dia afaka mitsangana amin'ny Anaran'ny Tompo ianareo ka miantso azy. Hitanareo, amin'izay fotoana izay dia hitranga ilay izy. Fa mandra-panaonareo an'izany, dia mandany ny fofon'ainareo fotsiny ianareo, hitanareo.

¹⁹ Izany dia tsy misy na inona na inona—na inona na inona tena zava-miafina. Izany dia ny mitady an'Andriamanitra, manao ny tenanareo hivoaka amin'ny lâlana ka mamela ny Fanahy Masina hampiasa anareo amin'izay rehetra Tiany hatao. Izany ilay izy. Ny zava-dehibe, amin'ny fanomezam-pahasaoavana rehetra, dia ny manala an'ireo hevitrareo manokana, ary mamela an'i Kristy. Amin'izay fotoana izay na inona na inona Nolazainy, raha tianareo ny hahafantatra na Kristy izany na tsia. . . Raha fahatsapana iray fotsiny, dia avelao izany hipetraka tsara. Fa raha fientanam-po iray fotsiny ilay izy, dia avelao izany hipetraka tsara. Fa raha voasoratra ao amin'ny Teny ilay izy, amin'izay fotoana izay dia Andriamanitra izany. Tsarao foana ny zavatra rehetra, izay tenenin'ny fanahy rehetra aminareo, amin'ny Teny. Ny Teny, aza manalavitra an'ity Teny ity mihitsy; raha manalavitra ianareo, dia very.

²⁰ Ankehitriny, alohan'ny hijanonantsika hatramin'ny mitataovovonana, miresaka fotsiny tahaka an'izany, dia ndao isika hamadika fotsiny ao amin'ny Baiboly ka hamaky Soratra sasantsasany eto. Ary avy eo isika dia handeha ao. . . Tiako

ny Tenin'Andriamanitra. Fantatro fa isika rehetra dia tia. Ankehitriny aho dia tsy nanana...

²¹ Saika hitory teny aho, izao maraina izao, na hiresaka, hampianatra ny sekoly Alahady, eo amin'ireo zavamiafin'Andriamanitra niafina hatramin'ny fanorenana an'izao tontolo izao, izay voambara ao amin'i Jesosy Kristy. Ary tsy nanana anjara hahavita azy rehetra aho. Adinoko ny amin'ilay fampakaram-bady ho avy, noho izany aho—halaiko angamba izany amin'ny fotoana manaraka handalovako.

²² Ankehitriny dia hamaky sasantsasany avy amin'ny toerana telo ao amin'ny Baiboly aho. Ny voalohany, dia tiako ny hamaky avy ao amin'ny Filipiana 1. Ny toko-1-n'ny Filipiana, manomboka amin'ny andininy faha-19, ary hamaky ihany koa hatrany amin'ny andininy faha-22.

Fa fantatro fa ho tonga famonjena ahy izao nohon'ny vavakareo, sy ny fanomezan'ny Fanahin'i Jesosy Kristy,

Araky ny hafatratry ny faniriako sy ny fanantenako, fa tsy ho menatra amin'ny inona na inona aho, fa amin'ny fahasahiana rehetra, tahaka ny isan'andro, dia ankehitriny koa no hanehoana an'i Kristy ao amin'ny tenako, na amin'ny fiainana izany, na amin'ny fahafatesana.

Fa Kristy no antony ahavelomako, ary ny fahafatesana dia tombony.

Fa raha velona ao amin'ny nofo aho, dia izany no vokatry ny asako: kanefa izay izaho...nofidiako dia haiko lazaina.

²³ Ankehitriny ao amin'ny Bokin'ny Romana. Koa tiantsika ny hanomboka amin'ny toko faha-8-n'ny Romana, ary ny andininy faha-35, mba hanorina an'izay tiako ho raisina ho an'ny lohahevitra iray.

Iza no hahasarakka antsika amin'ny fitiavan'i Kristy? fahorianave, sa fahantrana,...fanenjehana,...mosary, sa fitanjahana,...loza,...sabatra?

Araka ny voasoratra hoe, Fa nohon'ny amiko no namonoana anay foana....mandrakariva; nisaina ho toy ny ondry ho an'ny mpamono izahay.

Kanefa, amin'izany rehetra izany dia manoatra nohon'ny mpandresy isika amin'ny alàlan'ilay tia antsika.

Fa resy lahatra aho, fa na fahafatesana, na fiainana, na anjely, na fanapahana, na hery, na ireo zavatra ankehitriny, na ireo zavatra ho avy, na...

Na ny ambony,...ambany, na ny zava-boahary hafa rehetra, dia tsy hahasarakka antsika amin'ny

fitiavan'Andriamanitra, izay ao amin'i Kristy Jesosy ilay Tompontsika.

²⁴ Ao amin'ny Asa 2, ary ny andininy faha-30.

Ary satria mpaminany iray, ka nahalala fa Andriamanitra efa nanao fianianana taminy, fa ny vokatry ny kibony, araka ny nofo, no hanangana an'i Kristy hipetraka eo amin'ny seza fiandrianany;

²⁵ Ankehitriny dia Soratra betsaka izany, karazan'ny hoe nandeha avy teo amin'ny toerana iray nankany amin'ny anankiray hafa, tao amin'ny Baiboly. Saingy fantatsika fa, raha novakiana izany Soratra betsaka izany, dia hahita zavatra iray isika Ao izay natao mba—mba hanampy antsika. Ankehitriny dia enga anie Andriamanitra hanampy antsika ankehitriny, raha tiako ny haka an'ity lohahevitra ity, izao maraina izao, toy ny teny hoe fara-teny: *Fara-teny Iray*.

²⁶ Ankehitriny isika, rehefa nitady an'ity lahateny ity aho, dia nandeha teo amin'ny diksionera. Nieritreritra aho hoe, “Inona? Misy olona manohy milaza hoe, ‘Izany no fara-teny, ny fahamarinana. Fara-teny, izany no izy.’” Nieritreritra aho hoe, “Inona izany teny izany? Inona no dikany, *fara-teny?*” Dia nandeha teo amin'ny diksionera aho mba hahita hoe inona no dikan’izany.

²⁷ Webster dia milaza fa izany dia “tanteraka ao amin'ny tenany, tsy voafetra ao amin'ny heriny, voalohany dia teny farany iray.” Hitanareo, “tsy voafetra ao amin'ny heriny, tanteraka ao amin'ny tenany, ary tena teny farany iray tokoa,” ny teny hoe *fara-teny*.

²⁸ Koa tiako ny hilaza an’izany, ary matoky aho fa ho azonareo ireo teny ireo, satria tsy mpitondra fivavahana iray niofana aho amin'ny hanaovana azy, sy ny fomba ara-tsaina hitondrana zavatra iray mahaliana izay hihazona ny olona. Ny zavatra tokana ataoko, dia ny miezaka hanao ny tsara indrindra izay vitako, noho ireo sakaiza izay nomen'i Kristy ahy, ary izaho—tiako izy ireo hahita hoe inona no eritreritro mikasika an'i Kristy.

²⁹ Ankehitriny, ny zava-bitra malaza rehetra dia mifatotra eo amin'ny fara-teny iray. Tsy afaka miaina tsy manana fara-teny iray ianareo. Tsy afaka manao zava-bitra iray ianareo raha tsy efa fara-teny iray izany, satria izany no andrim-pamatorana farany. Izany no—izany no fehim-pihantsonana amin'ny fiafaran'ny dia. Izany dia toerana izay ifatoranareo amin'ny zavatra iray.

³⁰ Ao amin'ny andro izay iainantsika ankehitriny, ary tena miha-rava ny zavatra rehetra, tena marefo sy mivoana, dia neveriko fa ho zavatra iray tena mifanentana ity Hafatra ity, indrindra ho an'ireo Kristiana rehefa mandalo ao amin'ireo ranony lalina izy ireo ankehitriny. Ny fiangonana Kristiana dia mandalo an'ilay rano lalina indrindra izay nananany

nandritr'ireo roa arivo taona farany. Satria, tonga eo amin'ny toerana iray izay isian'ny zavatra anankiray atolotra ny Kristianisma isika, zavatra anankiray izay tsy maintsy handraisan'izy ireo fanapahan-kevitra iray, ary heveriko fa ny fiangonana Kristiana dia tokony hanao zavatra izay fantatr'izy ireo fa ifatorany, raha tokony hitsingevana fotsiny tahaka ny ravina iray eny ambonin'ny rano, ny rivotra. Araka ny nolazain'ny Baiboly hoe, "Entin'ny rivotry ny foto-pampianarana rehetra." Tonga ny rivotra ka mitsoka an'ilay ravina kely amin'ity lèlana ity, ary avy eo dia tonga ny rivotra hafa iray, ny rivotra avaratra, ny rivotra atsimo, ny rivotra atsinanana, ny rivotra andrefana. Tsy ho lasa na aiza na aiza ianareo, tsy mari-toerana ianareo. Tokony ho fiainana mari-toerana ny fiainana Kristiana. Izany dia tokony ho zavatra iray izay—izay fitsipika iray izay—izay ifatoranareo, mihoatra noho ny fiainana izy tenany izany.

³¹ Ary tsy maintsy manana zavatra iray izay ifatoranareo ianareo. Ny olona sasany dia mifatotra eo amin'ny raharahany. Ny sasany mifatotra eo amin'ny fianakaviany. Ny sasany mifatotra eo amin'ny toeran'ny tafika. Manana zavatra samihafa izay ifatorantsika isika. Saingy heveriko, amin'ny maha-Kristiana iray, hoe tokony hifatotra eo amin'izay fantatsika fa marina isika, hitanareo. Satria, mety mifatotra eo amin'ny fianakavianareo ianareo, ka ny—mety handao anareo ny vadinareo. Mety mifatotra eo amin'ny tafika ianareo, ka mety ho faty ianareo. Ary mety mifatotra eo amin'ny zavatra samihafa rehetra ianareo, fa misy farany iray izany. Saingy tsy maintsy misy andrim-pamatorana farany iray eo. Tsy maintsy misy any ho any izay—izay tsy maintsy hifatoran'io olona io ho an'ny fitodiany Mandrakizay. Satria, raha hatoky an'izany ao amin'ny asanareo ianareo, rehefa mifarana ny asanareo, dia vita ilay izy. Rehefa esorina ny fianakavianareo, dia mifarana ilay izy.

³² Fa zavatra iray ihany no heveriko fa andrim-pamatorana farany. Ary mino aho hoe nanana andrim-pamatorana iray i Paoly teo amin'ny fiainany teto. Ary tiako ny—ny hiandany ao, raha tahaka an'izany no hiantsoantsika azy, ka hiresaka ny amin'io andrim-pamatorana io. Hoy izy hoe, "Fa Kristy no antony ahavelomako, ary ny fahafatesana dia tombony." Ankehitriny, Kristy no Fara-tenin'i Paoly. Izany no andrim-pamatorany. Izany no azy. Izany no fiafarany'ny adi-hevitra rehetra. Izany dia Kristy, no andrim-pamatorany.

³³ Tsy nanana an'io andrim-pamatorana io foana i Paoly. Efa nifatotra teo amin'ny vondron'ny Fariseo izy taloha. Ary tsy maintsynofanina sy nampianarina izy, mba haneken'izy ireo azy sy hamela azy hamatotra ny tenany eo amin'ny andrim-pamatoran'izy ireo. Fa indray andro dia teny amin'ny lèlana nankany Damaskosy izy, ka nifanena tamin'i Jesosy,

nifanatrika. Ary nanomboka teo dia niendaka avy teo amin'ny andrim-pamatorany Fariseo-ika izy; ary namerina namatotra ny tenany indray, tamin'io Jesosy Izay fantany fa voahombo io, maty, ary nitsangana indray. Fantatr'i Paoly izany satria efa nihaona tamin'ilay Olona izy. Izany no nanova azy avy hatrany teo. Tsy tahaka ny taloha intsony izy nanomboka tamin'io. Tsy nifanena tamin'ny boky iray fotsiny mihitsy izy. Tsy nifanena fotsiny mihitsy izy tamin'ny—ny fanekem-pinoana iray. Nifanena tamin'ilay Olona izy, Jesosy Kristy. “Iza moa Ianao, Tompo?”

Hoy Izy hoe, “Izaho no Jesosy.”

³⁴ Ndao isika hieritreritra an'io fifampiresahana io, mandritry ny fotoana vitsy. Mino aho fa lehilahy tso-po iray i Paoly. Satria sekoly Alahady iray izao, dia tiantsika ny hampianatra azy tahaka ny sekoly Alahady iray. Paoly, mino aho, dia lehilahy iray Lalina, tso-po, ary tsy nisy—tsy nisy na inona na inona ny aminy izay naha-hafa azy tamin'ny olon-kafa iray.

³⁵ Ireo mpaminany rehetra dia olona tahaka antsika fotsiny. Ny Baiboly no niteny an'izany. Masindahy Jakoba 5, “Elia dia olona nanana fiaretana tahaka antsika ihany,” nanana an'ireo ambony sy ambaniny izy, ireo miditra sy mivoakany, “fa nahery nivavaka izy mba tsy hisian’ny ranonorana.”

³⁶ Ary Paoly dia karazan’olona iray ihany tahaka antsika. Nanana an'ireo fahasorenany izy, ny fisalasalany. Fa lehilahy iray mahitsy fo izy. Nandeha tany amin'ny iray tamin'ny sektampivavahana tsara indrindra izay nisy teto amin’izao tontolo izao izy. Ary lasa mpampianatra iray tao amin’izany sekta izany izy; nampianarina teo ambanin’ny mpampianatra malaza iray, Gamaliela, izay iray tamin'ireo mpampianatra nalaza indrindra izay nananan’izy ireo tamin'ilay andro. Ireo raiamandreniny no nikarakara an'izany, nahita fa nisy zavatra iray teo amin'ny fiainan'i Paoly, ka niasa mafy mba handefa azy any ampiunarana, mba hahafahany ho ampiunarina ao amin'ireo lalàñ'Andriamanitra rehetra. Ary, tamin'ny fahatsoram-po Lalina, dia nino ny teny rehetra an'izany izy.

³⁷ Ary efa nandre ny amin'ity karazana kilasin’olona ambany ity izy, sy hoe ahoana fa nisy mpaminany iray teo, mody-antsoina, araka ny Vondrony, izay nitsangana tany Galilia, izay natao hanao fahagagana sy hanasitrana ny marary. Fa ny—ny sektany izay nikambanany dia tsy nanaiky an'io Lehilahy io ho mpaminany iray, io Jesosy avy any Nazareta io, satria tsy nanondro ny Tenany niaraka tamin’izy ireo Izy. Noho izany dia tsy afaka nanaiky an'izany i Paoly, satria ny sektany manokana an'ny—an'ny olona dia tsy nino an'Izany. Ary nampitandrina azy izy ireo hanohitra an'izany.

³⁸ Ary Paoly, satria nahitsy fo, dia nieritreritra hoe, “Raha tsy avy amin'Andriamanitra izao zavatra izao, nefà ny fiangonako

dia milaza fa tsy avy amin'Andriamanitra ilay izy, amin'izay fotoana izay dia zavatra tokana ihany no atao, dia ny hanaisotra an'izany." Hoy izy, "Esory miala amin'ny lèlana izany, satria izany dia...ho sakana iray izany, ho fivontosana iray izany, zava-petsy iray," hanohitra ny finoan'ny sektany. Noho izany dia nikasa tao am-pony izy fa handeha sy hanala an'io "zava-petsy" io, araka ny niantsoany azy, na niantsoan'ny fiangonany azy, ho lavitry ny vondrony Fariseo-ika mahafinaritra.

³⁹ Indray andro, niaraka tamin'ireo taratasy tao am-paosiny, avy tamin'ilay mpisoronabe, mba hisambotra an'ireo olona rehetra ireo izay tao amin'izany toerana izany, satria izany no andraikitra izay nassaina nataon'i Paoly. Teny amin'ny lèlany nankany an-tanàna nantsoina hoe Damaskosy izy. Efa nampangininy izy ireo, nanerana an'i Jerosalema. Noho izany izy dia—nitora-bato an'i Stefana izy, ary i Paoly no nanao azy ho toraham-bato, njoro vavolombelona ary nihazona ny lambany. Ankehitriny dia nidina izy eto ary nanao an'ilay zavatra iray ihany, sy nanaisotra an'io sakana lehibe io.

⁴⁰ Saingy teo amin'ny, tokony ho teo amin'ny mitataovovanana teo izany, nanodidina ny tamin'ny iraika ambin'ny folo, roa ambin'ny folo, dia lavo izy. Ary rehefa lavo izy, dia niandrandra ka nisy Hazavana iray nitsangana teo anoloany. Ary nivoaka ny Feo iray avy tao amin'io Hazavana io, nanao hoe, "Saoly, Saoly," fanontaniana iray, "nahoana ianao no manenjika Ahy?" Ankehitriny dia nahafantatra i Paoly, na Saoly, raha ny marina, dia nahafantatra fa efa nanaraka an'io Hazavana iray io ihany ny olony hatramin'ny nivoahan'izy ireo tany Egypta. Ary raha...

⁴¹ Efa mba hitanareo ve ny fandikana Lamsa an'ny Baiboly, ilay tranaindy...Ilay-ilay famantarana tranaindy Hebreo ny—ny amin'Andriamanitra dia Hazavana telozoro iray; mihoatra na latsaka, zavatra tahaka an'izao, hoe ireo toetra telon'Andriamanitra, ao amin'ny Maha-Andriamanitra anankiray. Ary io Hazavana telozoro io, ilay telo ao amin'ny Iray, satria Andriamanitra iray, dia fa—famantarana iray ho an'ny Hebreo, an'Andriamanitra, Hazavana.

⁴² Ary tamin'izay fotoana izay rehefa nihaona Taminy tao amin'ny roimemy i Mosesy, tamin'izay fotoana izay dia hoy Izzy hoe, "IZAHO NO IZY," izay mijanona ho tsy miova, telo; omaly, anio, ary mandrakizay, mbola ilay Andriamanitra iray ihany. Ary nihaona Taminy tao amin'ny roimemy mirehitra i Mosesy. Hazavana iray Izzy. Ary rehefa nitarika ny zanak'Isiraely tany an-efitra Izzy, dia Izzy no ilay Anjelin'ny fanekena, izay hitan'i Mosesy tamin'ny finoana, ary nandao an'i Egypta izy, nanao ny fanaratsiana an'i Kristy ho harena be lavitra noho izay an'i Egypta. Tamin'ny finoana, no nahitan'i Mosesy fa Kristy izany, ilay Hosotra. Ary tsy teo amin'ny olona manokana iray ilay Hosotra, fa tao amin'ny endrika Andry Afo iray Izany. Hitinanareo?

⁴³ Koa noho izany dia io Hosotra iray io ihany no nidina tamin'ny Batisany, ka niditra tao amin'i Kristy ary nitoetra tao Aminy. Jaona dia nahafantatra fa Izzy izany. Hoy Izzy hoe, "Eo ambonin'Izay hahitanao an'ilay Fanahy izay nitarika azy ireo nivoaka avy tao Egypta nankany an-efitra, ary avy tao an-efitra nankany amin'ny tany nampanantenaina, eo ambonin'Izay hahitanao an'io endrik'Andriamanitra telozoro midina io ka mijanona eo, dia Izzy no Anankiray izay hanao batisa amin'ny Fanahy Masina sy Afo."

⁴⁴ Ankehitriny i Paoly dia tsy mbola nanana tombontsoa nahita an'io. Fa mba hanaovana azy ho marina fotsiny, aminareo, ireo Jiosy dia tena voarara tsy hiondrika eo anatrehan'ny sampy iray, na zavatra tahaka an'izany! Ankehitriny rehefa nahita an'io Hazavana lehibe io izy, dia fantany fa ny Tompo io. *Tompo* dia midika hoe "maha-tompon-javatra, mifehy ny." Izzy—tsy hiantso zavatra anankiray mihitsy izy hoe "Tompo," io Hebreo mahatoky io, nefo fantany fa Fanahy Izany. Saingy mariho, fantany fa io Andry Afo iray io ihany no Anankiray izay nitarika ny olony. Ary noho izany dia nihemotra izy ka nanao hoe, "Tompo, Iza moa Ianao? Iza moa Ianao? Tiako ho fantatra hoe Iza moa Ianao? Ianao no nihaona tamin'i Mosesy tamin'ny anarana hoe 'IZAHO NO IZY.'" Fa hijanona eo aho miaraka amin'ny fisainan'izy ireo, iray minitra fotsiny.

⁴⁵ Jesosy, rehefa teto an-tany Izzy, voahosotra tamin'Io izay hitan'izy ireo io, mariho, hoy Izzy hoe, "Avy tamin'Andriamanitra Aho," ilay Fanahy, ilay Hazavana, ilay Andry Afo, "ary miverina amin'Andriamanitra Aho." Fa tonga nofo Izzy mba ho faty ho an'ny fahotantsika. Avy eo taorian'ny Fahafatesany, fandevenany, fitsanganany, ary fiakarany, taorian'ny Niakarany; afaka efapolo andro, dia niakatra Izzy; ary tamin'ny andro faha-dimampolo, dia niverina indray tao amin'ny endrika Andry Afo iray Izzy, teo anivon'ny olona, ary nampisaratsaraka ny Tenany, tahaka ny lela afo, ka nipetraka teo ambonin'ny tsirairay avy tamin'izy ireo. Ary tamin'izay fotoana izay dia feno ny Fanahy Masina izy rehetra, ary nanomboka niteny tamin'ny fiteny hafa, arak'izay nanomezan'ny Fanahy azy ireo ny fitenenana.

⁴⁶ Hitanareo, nanasaratsaraka ny Tenany Andriamanitra; Andriamanitra tao amin'ny Andry Afo iray lehibe aloha; Andriamanitra voaseho tao amin'ny vatan'olombelona iray; ankehitriny dia Andriamanitra manasaratsaraka ny Tenany eo anivon'ny Olony. Nizarazara ilay Andry Afo, ary nipetraka teo ambonin'ny tsirairay avy tamin'izy ireo, tahaka ny lelan'afô misampantsampana, lela mizarazara no nipetraka teo ambonin'izy ireo, sampantsampan'afô, lela mizarazara tahaka ny afo no nipetraka teo amin'ny tsirairay avy tamin'izy ireo. Ary feno an'Izany izy rehetra, ka nanomboka niteny tamin'ny

fiteny tsy fantatra, arak'izay nanomezan'ny Fanahy azy ireo ny fitenenana.

⁴⁷ Ankehitriny, hitanareo, tsy vahoaka iray misaraka isika, tokony ho ao amin'ny firaisansa isika, satria ny tsirairay avy amintsika dia mihazona ampahan'Andriamanitra iray. Ary tsy maintsy tonga miaraka isika, ka amin'izay fotoana izay dia voaseho ao amin'ny manontolony ilay Andry Afo, ao amin'ny Fahafenoany; rehefa miara-mipetraka ao amin'ny toeran-Danitra Ny Fiagonany, amin'izay fotoana izay dia ao amin'Ny Fiagonany ny fahafenoan'ny herin'Andriamanitra. Ny tsirairay avy amintsika dia mihazona an'ireo fanomezam-pahasoavana ara-panahy sy ireo asa ara-panahy, tonga miaraka, mitondra an'io Andry Afo io hiverina indray.

⁴⁸ Ary i Paoly dia nanaiky an'izany ho ny Tompo, ka hoy izy hoe, "Tompo, Iza moa Ianao, raha Ianao no enjehiko?"

⁴⁹ Hoy Izy hoe, "Izaho no Jesosy, ary sarotra ho anao ny hanipaka an'ilay fanindronana."

⁵⁰ Koa nodidiana i Paoly mba hitsangana sy handeha eny amin'ny lâlambe nantsoina hoe, "Imahitsy." Fa nisy mpaminany iray teo izay tonga, tamin'ny anarana hoe Ananiasy, ary nahita fahitana iray, ka nanao batisa azy. Ary nandeha nankany Arabia izy, nandrity ny telo taona, mba hianatra ny Soratra, mba hahita mikasika an'io Andry Afo izay niseho taminy io.

⁵¹ Hitantsika ankehitriny fa i Paoly, ny sisa tamin'ny fiainany, dia nanao an'izany ho andrim-pamatorana iray. Efa nihaona tamin'Andriamanitra izy, nifanatrika, ary nirahin'Andriamanitra. Andrim-pamatorana iray toy ny inona! Fara-teny iray toy ny inona! Izany no faran'ny adi-hevitra rehetra. Izany no faran'ny zavatra rehetra ho an'i Paoly. Ny fifandirana rehetra, ny zavatra rehetra dia lasa. Tsy ahoako izay nolazain'ireo Fariseo, izay nolazain'ireo Sadoseo, na olon-kafa; nihaona tamin'Andriamanitra voamarin'ny Teny izy, nilamina hatreо izany! Izany no sisa tamin'ny fiainany. Satria efa nahita an'Andriamanitra voaseho izy, ary efa voaporofa taminy fa Andriamanitra Izany, tamin'ny alàlan'ny Teny, sy tamin'ny alàlan'ny toe-batana sy endrika izay nisy Azy, ary tamin'ny alàlan'ny Feo iray azo nohenoina izay niteny taminy marina tokoa hoe inona ilay izy. Ankehitriny, zavatra iray lehibe izany. Tsy mahagaga raha afaka nilaza izy, teo anatrehan'i-i Agripa hoe, "Tsy mba tsy nankatò ny fahitana avy tany An-danitra aho." Nifatotra tamin'izany izy. Nisy zavatra iray tena nisy teo, zavatra iray izay fantany, zavatra iray izay tsy azon'iza na iza nesorina taminy.

⁵² Ankehitriny, androany, raha mitoky fotsiny amin'ny fianarana iray isika, na ny—ny fomba ara-mekanikan'ny—ny fianarana hanazava ny Baiboly, amin'izay fotoana izay dia mahazo azy fotsiny isika avy amin'ny—ny fandraisana ara-tsaina

iray. Fa tsy misy olona manana zò ho ao ambadik’ity polipitra ity, hitory ny Filazantsara, raha tsy efa tonga nifanatrika tamin’Izany izy.

⁵³ Tahaka an’i Mosesy, tany ambadik’ilay tany efitra, tsy nampaninona na nampianarina tsara toy ny ahoana aza izy, na inona na inona niseho; lasa ireo tahony sy fahasorenany satria nitsangana teo amin’ny tany masina iray niaraka tamin’Andriamanitra izy, izay tsy azon’iza na iza nesorina taminy.

⁵⁴ Ary ny lehilahy rehetra na vehivavy izay manana fahatsapana iray miaraka amin’Andriamanitra, dia efa nihaona tamin’io Andry Afo iray io ihany teo amin’ireo tany masin’ny fonareo. “Tsy misy teolojiana, tsy misy devoly, tsy misy na inona na inona,” hoy i Paoly, “tsy misy na inona na inona amin’ny ankehitriny, tsy hisy na inona na inona amin’ny ho avy, fahafatesana, aretina, alahelo, afaka hampisaraka antsika amin’io fitiavan’Andriamanitra io, izay ao amin’i Kristy Jesosy.” Izany dia andrim-pamatorana iray. Fantatrareo fa nisy zavatra nitranga. Tsy mampaninona na siansa firy no hitsangana ka milaza an’ity, itsy, na ny *hafa*, voafatotra ianareo. Lasa iray ianareo sy Andriamanitra. Izy ao aminareo, ary ianareo ao Aminy. “Amin’izany andro izany dia ho fantatrareo fa Izaho ao amin’ny Ray, ny Ray ato Amiko; Izaho ao aminareo, ary ianareo ato Amiko.” Mifatotra Aminy ianareo.

⁵⁵ Ary i Paoly dia nanana ny—ny fiainana iray mifantoka amin’i Kristy. Fiainana iray hafa nohon’ny nananany fahiny izany. Nanana fandraisana ara-pianarana iray izy fahiny; saingy manana fiainana iray mifantoka amin’i Kristy kosa izy ankehitriny, fara-teny iray. Tsy mampaninona na Agripa firy no afaka nanao hoe, “Ianao, lasa adaladala ianao, ry Paoly. Very ny sainao. Ianao, nianatra be loatra ianao.”

Hoy izy hoe, “Tsy adala aho.”

⁵⁶ Ary tamin’izay fotoana izay dia nanosika mafy an’i Agripa izy, teo amin’izany fomba izany hany ka hoy izy hoe, “Saika handresy lahatra ahy ho lasa Kristiana iray ianao.”

⁵⁷ Hoy izy hoe, “Maniry aho mba ho lasa ianao, afa-tsy hoe fotsiny . . . tahaka ahy, afa-tsy ireto rojo vy ireto.”

⁵⁸ Izany dia manao zavatra aminareo, rehefa manana fiainana iray mifantoka amin’i Kristy tahaka ny nananan’i Paoly ianareo, izay tsy hataonareo araka ny mahazatra. Jereo ankehitriny. Araka ny mahazatra, ity lehilahy nofanina tao amin’ny—ny Soratra rehetra sy ny sisa ity, araka ny mahazatra dia ho nanaraka an’ilay laharana izay nanofanana azy izy. Saingy izy rehefa lasa . . . ary nanao an’i Kristy ho fara-teniny, ho teniny farany, tamin’izay fotoana izay dia nisy fiainana iray hafa teo. Nanao hafa izy. Nanao zavatra adaladala izy, raha amin’izay

nanofanana azy fahiny mba hataony. Ary hanao an'ilay zavatra iray ihany izany.

⁵⁹ Raha niala lavitra an'io Fiombonamben'ny Fiangonana io ny fiangonana, ka niverina ary nanao ny Tenin'Andriamanitra ho tenin'izy ireo farany, nanao ny Tenin'Andriamanitra ho andrim-pamatoran'izy ireo, dia hanao an'izany io. Fa mifatotra eo amin'ny zava-bitra iray nataon'olona izy ireo. Ary tsy maintsy mianjera izany. Eny, ny Baiboly no nilaza fa hanao an'izany izy ireo. Fa hisy Ampakarina iray izay efa voafidy hatramin'ny fanorenana an'izao tontolo izao, izay hifatotra eo amin'io andrim-pamatorana io.

⁶⁰ Toa hitako ny Mandrakizay mipozaka, niditra tao amin'ny fotoana, hatrany Edena. Ary, rehefa nidina Izy, dia nisy lâlan'ny Rà iray, tonga hatrany Kalvary; ary avy eo Kalvary, dia nifatotra tamin'io lâlana io, ary mandeha mankany amin'ilay andrim-pamatorana, Jesosy. Ary indray andro any rehefa tonga Izy hitaky ny Azy manokana, dia hitsangana ao amin'ny Mandrakizay ny tsirairay izay nifatotra tamin'io teny farany io. Nahoana? Efa tao amin'ny Mandrakizay foana izy ireo hatramin'izay. Efa voafidy mialoha tao amin'ny Mandrakizay izy ireo. Ampahan'Andriamanitra izy ireo. Efa tao amin'ny Fisainany izy ireo tany amin'ny fiandohana. Ary rehefa sintonina io tady goavana io, an'ny lâlan'ny Rà, ilay Famantarana izay noresahako, rehefa miakatra avy ao amin'ny tany izany, dia hitsofoka avy hatrany ao amin'ny Mandrakizay indray ny tsirairay izay tafiditra ao amin'io Rà io. Fa ny fomba tokana hisian'izany, dia ny hifatotra eo amin'io fara-teny io, Jesosy Kristy. Izany no fara-teny! Tsy zava-bitra olona iray; fa Andriamanitra no nanangana azy tamin'ny maty, ary Izy no fara-teny iray. Ary fantatsika fa velona Izy, satria eto Izy miaraka amintsika ao amin'ny Herin'ny Fitsanganany, manao an'ilay zavatra iray ihany izay Nataony fony Izy teto antany teto.

⁶¹ Mifatotra amin'io Teny farany io aho. Izany no faran'ny fifandirana rehetra. Mifatotra amin'izany aho. Izany no fiainako. Mpanota aho rehefa namonjy ahy Kristy. Nihaona tamin'ny Zavatra iray aho. Ary hatramin'ny nidiran'Izany tato amiko, dia efa–efa hafa ilay izy. Koa mifatotra amin'izany aho, ny zavatra rehetra izay maha-izy ahy dia mifatotra eo mihitsy. Ary tamin'izany fotoana izany Andriamanitra dia nanasaratsaraka ny Fiainany, ka namela ahy ho velona ao Aminy, ary Izy ato amiko, amin'izay fotoana izay dia mifatotra izahay. Izaho...

⁶² Izany dia tsy manisy fahasamihafana izay tian'ny hafa hinoana. Ho an'ny isam-batan'olona, dia mifatotra amin'Ity ianareo. [Mikapokapoka ny Baiboliny Rahalahy Branham—Mpand.] Izany no teninareo farany. Izany no...izany ilay teny farany. Ary noho izany raha Izy no Teny, amin'izay

fotoana izay dia *Ity* no tsy maintsy teny farany. Ity no tsy maintsy mandamina an'izany. Na inona na inona Lazainy, dia Izany ilay kofehy jaky. Izany no Kristy. Ary ny zavatra rehetra mifanohitra amin'Izany, dia tsy mahafantatra na inona na inona mikasika an'izany aho. Izany no tiantsika ho fantatra, dia izay lazain'ity Teny ity; satria mifatotra amin'i Kristy aho, ary Kristy no Teny. Azonareo ve ilay izy ankehitriny? [Hoy ny fiangonana hoe, "Amena."]

⁶³ Ary ny ampanhan'Ny Teniny izay notsinjaraina ho an'ity andro ity, dia eto Ny Fanahiny Masina haneho an'io ampanhan'ny Teny io.

⁶⁴ Tahaka ny tany aorianana tany mihitsy tamin'ny Fahaterahany. Isaia 9:6. Manerana ny Soratra rehetra. Ny zavatra rehetra izay noresahana ny Aminy, dia tanteraka izany. Any amin'ny Bokin'i Lioka any, milaza isika fa izany dia...izany no ahitantsika azy. Ary Izy no farany, Izy no—Izy no faran'ny faminaniana, ihany koa, ny Aminy. Izy no nahatanteraka an'izany, ny tantara, ireo hira, ny zavatra rehetra ao amin'ny Testamenta Taloha, izay niresaka ny Aminy, dia tanteraka teo mihitsy izany. Izany dia lasa teny farany. Izany dia lasa andrim-pamatoran'ny Tenin'Andriamanitra ho an'io taona io.

⁶⁵ Ary ny olona tena nateraka indray an'izao taona izao, izay feno ny Fanahy Masina, no andrim-pamatoran'ity Soratra izay tsy maintsy tanteraka amin'ireo andro farany ity. Teny farany izy ireo. Izany no teny farany an'Andriamanitra, satria Ny Teniny izany; ary ny Teny dia Kristy, ilay andrim-pamatorana. Tsy misy fomba hanalavirana an'izany. Zavatra iray izay mihazona anareo.

⁶⁶ Araka ny nolazaiko, izany dia manao anareo hanao zavatra izay tsy hataonareo araka ny mahazatra. Izany no nanao an'i Paoly hanao an'ireo zavatra izay tsy nataony araka ny mahazatra. Izany no nanao an'i Mosesy hanao an'ireo zavatra tsy nataony araka ny mahazatra. Izany no manao ny lehilahy sy ny vehivavy rehetra hanao an'ireo zavatra izay tsy nataon'izy ireo araka ny mahazatra. Izany dia zavatra iray izay ianareo—ifantohanareo. Izany dia zavatra iray, Izany no mpanamarintoeoranareo. Izany dia tahaka ny... .

⁶⁷ Izany no vatofantsika ho an'ilay sambo. Ilay sambo dia mifatotra amin'ny vatofantsika, amin'ny fotoan'ny orambatra. Ary raha Kristy no fara-teninareo, dia mifatotra Aminy ianareo. Amin'ny fotoan'ny olana, ilay sambo, raha avelanareo hihilangilana izy, dia hidona amin'ireo—ireo—ireo—ireo vatolampy. Fa ny ataon'izy ireo, dia alatsak'izy ireo ilay vatofantsika. Midina miadana ilay vatofantsika mandrapifikiny ao amin'ilay vatolampy fanorenana. Ary mifatotra eo amin'ny vatofantsika ilay sambo. Izany no fara-teny ho an'ilay sambo.

⁶⁸ Fa ny Kristiana iray nateraka indray dia mifatotra amin'i Kristy, ary ny Baiboly no vatofantsika. Izany ilay zavatra ifatorantsika. Avelao ireo rafi-pandaminana, avelao ny zavatra samihafa, avelao ny siansa, avelao ireo mpanabe hilaza ny zavatra rehetra izay tiany. Raha mbola milaza an'izany foana ity Teny ity ka mampanantena an'izany, dia mifatotra eo Aminy isika. Misy zavatra iray izay tsy hamela antsika hihetsika hiala amin'izany. Marina izany. Ny tena Kristiana nateraka iray, dia mijanona miaraka amin'ity Teny ity izy ireo. Raha milaza zavatra anankiray hatao Izy, sy fomba iray hanaovana azy, dia izany no fomba tsy maintsy hanaovantsika azy. Tsy mampaninona izay lazain'olon-kafa, Izany no nolazain'Andriamanitra. Mifatotra amin'Izany isika, fiainana iray mifantoka amin'i Kristy.

Kristy, indray koa, dia tahaka ny Kintana Avaratra.

⁶⁹ Fantatrareo, mihodinkodina ny tany. Ary ireo kintana, raha ny marina, ilay anankiray izay hitanareo ho toy ny kintan'ny hariva, dia kintan'ny maraina ihany koa. Mihodina manodidina an'izany fotsiny ny tany. Fa miala lavitra an'ireo kintana hafa izy, ny rehetra afa-tsy ilay kintana avaratra. Ankehitriny dia tsy afaka mametraka ny famantaran'avaratrareo eo amin'ny kintan'ny hariva ianareo ka ho lasa na aiza na aiza, satria ny ampitso maraina, inona? Ao amin'ny kintan'ny hariva ianareo dia any andrefana, ary ny ampitso maraina dia any atsinanana. Hitanareo, tsy afaka manao an'izany ianareo. Fa afaka mametraka azy eo amin'ny kintana avaratra ianareo, amena, ary mihazona azy eo afovoany tanteraka. Ho tafavoaka ianareo.

⁷⁰ Ary izany no fiainana iray mifantoka amin'i Kristy. Rehefa very ianareo, dia Izy no Kintana Avaratrareo. Noho izany, raha Izy no Kintana Avaratra, dia ny Fanahy Masina no famantaran'avaratrareo, ary ny famantaran'avaratra dia hanondro an'ilay Kintana Avaratra irery ihany. Tsy hanondro fanekek-pinoana iray na anaram-piagonana iray Izy. Tsy nanondro fahatsapana iray Izy, na inona na inona ilay izy. Hihazona mafy eo amin'ny Kintana Avaratra Izy. Izy no Kintana Avaratrareo. Rehefa very ianareo, dia mety mihilangilana miaraka amin'ireo anaram-piagonana, sy ny sisa tahaka an'izany. Saingy ilay famantaran'avaratra, ny Fanahy Masina, dia hanondro anareo avy hatrany ny Teny, izay Kristy, ary mihazona mafy anareo. Mifatora amin'Izany.

⁷¹ Ahoana moa raha tsy misy ny kintana avaratra, ahoana no mba hahitan'ny olona ny lalany eo ambonin'ny ranomasina iray feno zavona? Ahoana moa raha tsy misy ny Fanahy Masina hitarika anareo eo amin'ny Tenin'Andriamanitra, mba haneho Azy sy hanapororofo an'izany, inona no hataontsika ao amin'ity ora ity? Manondro ny Teny irery ihany ny Fanahy Masina. "Tsy ny mofo ihany no hiveloman'ny olona, fa ny Teny rehetra."

Tsy ampanhan'ny Teny; fa ny Teny rehetra, ny rehetra an'Izany. Ny Teny rehetra izay aloaky ny vavan'Andriamanitra, izany no iveloman'ny olona. Izy no fara-teninareo ao amin'ny fiainanareo, Izy ihany koa no Kintana Avaratrareo.

⁷² Fantatrareo, tokony banana zavatra iray isika, iray hafa, mba handamina ny fiafaran'ny fifandirana.

⁷³ Fantatrareo, efa nisy fotoana iray izay nitoeran'ny fomba fanao eo amin'ny latabatra teo amin'izay nolazain'ny vehivavy iray. Mino aho fa ny anarany dia Emily Post. Mety ho diso aho eo amin'izany. Heveriko fa marina izany, Emily Post. Tsy ahoako raha nilaza i Emily Post hoe, "Raiso ny antsinareo ka hano ireo—ireo tsaramaso miaraka amin'izany," izany ireo fomba fanao. Nahoana? Izy no fara-tenin'ny fomba fanao eo amin'ny latabatra. Marina izany. Raha hoy izy hoe, "Hano amin'ny tanganareo izy ireo," dia mihinana azy ireo amin'ny tanganareo ianareo. Nahoana? Ity firenena ity no nanao azy ho fara-teny, ho an'ireo fomba fanao eo amin'ny latabatra. Eny, tompoko.

⁷⁴ Efa nisy fotoana iray izay nananan'i Alemania ny—ny fara-teny iray, ary Hitler izany. Izany no fara-teny iray. Tsy ahoako izay nolazain'olon-kafa, rehefa hoy Hitler hoe, "ataovy izany," dia ataonareo ilay izy. Tsaratsara kokoa ho anareo ny manao. Izy no teny farany. Hitler izany.

⁷⁵ Efa nisy fotoana iray izay nananan'i Roma fara-teny iray, ary i Mussolini izany, ilay mpanao didy jadona. Nitondra fiara iray ho azy iray minitra nialoha ny lehilahy anankiray, dia notifiriny tao anatin'ny fiarany izy ary nanipy azy teny ivelany, nanao hoe, "Tsy nilaza mihitsy aho hoe iray minitra mialoha, nilaza aho hoe aoka ho ara-potoana." Fara-teny iray! Na inona na inona nolazainy, dia tsy maintsy nataon'izy ireo izany. Tsy maintsy nandeha izany. Nilaza izy fa izy no hanao an'izao tontolo rehetra izao handeha amin'ny alàlan'ny teniny. Mandeha amin'ny Tenin'Andriamanitra izany!

⁷⁶ Efa nisy fotoana iray izay nananan'i Egypta fara-teny iray. Farao izany. Nandeha tany Egypta aho indray mandeha, mba hijery fotsiny an'ireo toerana ireo. Fa tsy maintsy mangady roapolo dian-tongotra ianareo mba hahita an'ireo sezà fiandrianana izay nipetrahan'izy ireo, ilay emperoran'i Roma; rehefa tany Roma sy tany Egypta aho.

⁷⁷ Hitanareo, izany rehetra izany dia niverina ho vovoky ny tantara, satria izany ilay karazana fara-teny ratsy. Marina izany. Ratsy ilay izy. Tsy nahomby izany. Ireo fara-teny nataon'olona izany. Ary ny fara-teny nataon'olona rehetra sy ny zava-bitia nataon'olona rehetra dia tsy maintsy lasa vovoka. Tsy maintsy lasa vovoka izy ireo. Izany ilay karazana ratsy, noho izany dia tsy mahomby ilay izy.

⁷⁸ Eritrereto fotsiny ny firenentsika. Rehefa tafiditra ao amin'ny olana isika, raha manao zavatra ny olona iray, ka

mitsara an'izany izy ireo angamba ao amin'ny—ny fitsarana kely an'ilay tanàna, fitsaran'ny polisy iray, avy eo dia mitohy izany, mitohy, ary farany dia tonga ao amin'ny Fitsarana Faratampony ilay izy. Ankehitriny, ny Fitsarana Faratampony no fara-tenin'ny firenena. Milamina hatreo izany. Ankehitriny, any Canada, ireo sakائزantsika avy any Canada dia afaka mandeha, avy any Canada, mankeo amin'ilay Mpanjakavavy. Fa ao Etazonia, dia ny Fitsarana Faratampony izany. Izany ilay fara-teny. Matetika dia tsy tiantsika ny fanapahan-kevitr'izy ireo, saingy tsy maintsy mihaino an'izany isika na ahoana na ahoana. Eny, tompoko. Tsy manaiky an'ilay izy isika, tsy tiantsika ilay fanapahan-kevitra indraindray, saingy izany no fara-tenin'ity firenena ity. Mifatotra amin'izany ilay firenena. Izany no faran'ny adi-hevitra rehetra. Rehefa milaza io Fitsarana Faratampony io hoe, "Meloka ianareo," dia meloka ianareo. Tsy maintsy manana an'izany isika; raha tsy izany, dia tsy manana firenena iray isika. Ahoana moa raha tsy manana zavatra tahaka an'izany isika? Izany tokoa. Misy fara-teny iray amin'ny zavatra rehetra.

⁷⁹ Misy fara-teny iray amin'ny lalao baolina. Ilay mpitsara izany. Marina. Ary raha hoy izy hoe, "Famelezana iray izany," dia izany ilay izy. Tsy ahoako izay lazainareo, izay heveriko, ny fomba nahitako azy, ny fomba nahitanareo azy. Ilay izy dia izay nolazainy. Fara-teny iray izany. Raha hoy izy hoe, "Mamely," dia tsy maintsy manaiky an'izany ianareo, satria izany no fomba hanoratana azy hoe, "mamely." Ahoana moa raha tsy nisy mpitsara, ankehitriny iza no ho marina? Ny anankiray nanao hoe, "famelezana iray izany," ilay anankiray hafa nanao hoe, "tsy famelezana izany; baolina iray ilay izy, ilay izy dia..." Nahoana, hanana korontana ianareo. Tsy ho fantatrareo izay hatao.

⁸⁰ Tsy maintsy misy any ho any hoe ny tenin'olona iray no farany. Amena. Tena mahatsapa ho tsara mihitsy aho izao ankehitriny izao. Voninahitra! Haleloia! Tsy maintsy misy zavatra iray izay farany. Tena faly aho ny amin'izany. Oh, ankehitriny, misy olona iray izay afaka milaza hoe, "Fahotana izany," na, "Tsy fahotana izany." Tena faly aho ny amin'izany. Faly aho ny amin'ny fara-teny iray. Tsy misy fifamaliana, tsy misy ilaina fifamaliana. Hoy ilay mpitsara hoe, "mamely," dia izay ilay izy; mariho ao an-tsainareo hoe, "famelezana iray izany," dia manohiza. Rehefa milaza zavatra iray Andriamanitra, dia tahaka an'izany ilay izy! Tsy misy ilaina fifamaliana mikasika an'izany. Izany ilay izy. Izy no niteny an'izany. Izany no fara-tenin'ny Kristiana, izany ilay izy raha Kristiana iray izy. Hoy Andriamanitra hoe, "Ataovy tahaka an'izao ilay izy," dia tahaka an'izany no tokony hanaovana azy. Tsy mifamaly hoe, "Eny," hoy ianareo, "tsy izany ilay izy." Tsy misy na inona na inona mikasika an'izany. Andriamanitra no

niteny azy, dia milamina hatreo izany! Izany no fara-teny ho an'ilay tena mpino. Hia.

⁸¹ Ahoana moa raha tsy nisy zavatra tahaka an'izany, ho taiza isika? Ny Metodista ve no ho marina, Batista, Presbyterana, Loterana, sa iza no ho marina? Hitanareo, isika dia banana, izany ilay antony izay ianareo—nanananareo korontana. Ary izany ilay antony. Niendaka tamin'io fara-teny io izy ireo, izany ilay antony mahatonga azy ireo hirenireny miaraka amin'ireo kintana hafa ireo.

⁸² Fa misy ny fara-teny iray. Tokony hisy fara-teny iray. Tsy maintsy misy fara-teny iray. Ary misy fara-teny iray. Izany dia ny Teny. Fa izay lazain'ireo hafa, dia tsy mampaninona izany. Eny, tompoko.

⁸³ Ankehitriny, raha tsy nanana mpitsara iray isika ao amin'ny lalao baolina iray, dia hifampisintom-bolo ny olona rehetra, ary hifamaly sy hiady. Hitanareo? Izany ilay antony ilantsika fara-teny iray ao amin'ny Kristianisma, fampijanonana an'io fisintonam-bolo, sy fifamaliana ary ady io. Hitanareo? Ny Teny no nilaza an'ilay izy, dia milamina hatreo izany. Aza manampy amin'izany na manaisotra avy amin'izany. Avelao fotsiny ho tahaka an'izany ilay izy.

⁸⁴ Fantatrareo, misy fara-teny iray ho an'ny fifamoivoizana, ilay jiro fampijanonana izany, ilay famantaran'ny fifamoivoizana. Ahoana moa raha tsy miasa izany indray maraina? Oh, oadray! Efa mba tao amin'iray tamin'izy ireny ve ianareo? Efa tao aho. Tsy isalasalana, ny mpamily rehetra dia efa tao. Ahoana moa raha tsy miasa io jiro fampijanonana io? Amin'izay fotoana izay dia hifamaly ny olona rehetra. Mitondra fiara eo izy ireo, ka ny iray manao hoe, "Izaho no tetu voalohany," ilay iray hafa manao hoe, "Avelao aho hiteny zavatra aminao, tsy maintsy mandeha miasa aho!" Oh, oadray! Ireo vehivavy dia hifampitoraka poketra, ary ireo lehilahy hifamely totohondry, ary miresaka ny amin'ny korontana iray ianareo! Tsy maintsy misy fara-teny iray, zavatra izay milaza hoe "ity no marina," dia izay ilay izy. Rehefa hoy io jiro io hoe, "mijanòna," dia mijanona no dikan'izany. Rehefa hoy izy hoe, "mandehana," dia mandeha ny dikan'izany. Raha tsy izany ilay izy, dia ao anatin'ny olana ianareo.

⁸⁵ Ary tahaka an'izany ilay izy ao amin'ny fiainana Kristiana. Misy toeram-pijanonana iray, ary misy toeram-pandehanana iray. Ny Tenin'Andriamanitra izany fara-teny izany. Izany dia Kristy. Eny, tompoko. Raha ianareo . . .

⁸⁶ Raha tsy mandeha ireo famantaran'ny fifamoivoizana ireo, amin'izay fotoana izay dia banana fitohan'an'ny fifamoivoizana iray isika. Ary heveriko fa izany no ananantsika eto ao amin'ilay pentagone mpivavaka amin'izao andro izao; fitohan'an'ny fifamoivoizana iray, an'ireo mody mpino, tsy mpino, ka

miara-mitohana ny zavatra rehetra. Manana fitohan'an'ny fifamoivoizana fotsiny ianareo. Nahoana? Tsy manana fara-teny izy ireo. Hoy ny anankiray hoe, "Eny, izahay no... Izahay no fara-teny." Hoy ilay iray hafa hoe, "Izahay no fara-teny."

⁸⁷ Andriamanitra no Fara-teny. Hoy Izy hoe, "Aoka ny fara-teny rehetra, ankoatry ny Ahy, ho lainga. Ny Ahy no Fahamarinana!" Noho izany, dia misy ny fara-teny ho an'ny Kristianisma. Izany no faran'ny adi-hevitra rehetra. Ny Baiboly no niteny an'izany, izany no manao Azy ho marina. Eny, tompoko. Tsy maintsy misy fara-teny iray ao amin'ny zavatra rehetra.

⁸⁸ Zavatra iray tahaka an'ireo fiangonana amin'izao andro izao fotsiny, ny ankamaroan'ireo fiangonana dia manana ny fara-teniny manokana. Ny tsirairay avy dia manana ny azy manokana, zavatra iray tahaka ny tamin'ny andron'ireo mpitsara, nanao ny fomba izay heveriny fa mety ny olona rehetra. Saingy tsy mety izany. Hitanareo, izany ilay izy rehefa tsy tao amin'ny fisiana ny Tenin'Andriamanitra sy ireo mpaminany. Ny Teny no fara-teny. Nanana ny fara-teniny manokana izy ireo. Milaza ny tsirairay avy fa izy ireo no Fahamarinana sy ny lâlana, "Izahay no Fahamarinana sy ny lâlana."

⁸⁹ Nefa Jesosy no nilaza fa Izy no Fahamarinana sy ny lâlana, "ny Fahamarinana, Lâlana, ary Fahazavana." Marina ve izany? [Hoy ny fiangonana hoe, "Amena."—Mpand.] Eny, amin'izay fotoana izay, Izy no Teny, noho izany dia io ilay fara-teny. Ary ireo fara-tenin'ny ara-anaram-piangonana, dia tsy misy na inona na inona ao amin'izany; diso izany, avelao izany handeha.

⁹⁰ Ankehitriny, manao ny tsara amin'ny fijeriny manokana ny olona, fa Andriamanitra kosa dia manana lâlana iray ho azy hanaovany an'ilay izy. Hitanareo, rehefa tsy teo Andriamanitra sy Ny Teniny ary ireo Mpaminaniny, dia nanao an'izay tiany natao fotsiny ny olona rehetra.

⁹¹ Ary izany no misy ao amin'ity andro ity, milaza ny tsirairay avy hoe, "Izaho—mikambana amin'ity aho." Kristiana ve ianao? "Presbyterana aho." Kristiana ve ianao? Manontany anao aho. Hoy ny zazavavy anankiray hoe, "Omeko anao mba ho azonao, mandoro labozia iray isan-kariva aho." Nilaza ny lehilahy hafa anankiray, tao amin'ny laharam-bavaka, nanontany azy aho raha Kristiana iray izy, hoy izy, "Amerikana aho. Ahoana no asahianao!" Toy ny hoe misy zavatra ifandraisany amin'Izany io? Hitanareo, mifatotra amin'ny firenena iray izy ireo. Ilay anankiray hafa dia mifatotra amin'ny rafi-pandaminana iray, dogma.

⁹² Fa ny *Kristiana* iray dia midika hoe "mitovy amin'i Kristy." Ary ny fomba tokana ahafahanareo hitovy amin'i Kristy dia ny hahatonga an'i Kristy ilay Teny ho ao anatinareo. Izany no teny farany. Hia. Efa nahita an'izany aho talohan'ny niovako fo, ary faly aho fa Andriamanitra no nihazona ahy

talohan'ny nihazonan'ny fiangonana. Noho izany dia fantattro rehefa izaho . . .

⁹³ Mpitoriteny Batista mahafinaritra iray, Rahalahy Naylor, any amin'ny Voninahitra izy androany, tonga izy, niresaka tamiko. Ary, oh, misy maro ireo olona izay niresaka tamiko rehefa izaho—niezaka ny hahita an'Andriamanitra aho. Ilay mpitoky teny Advantistan'ny andro Fahafito dia nila ahy hikambana tamin'izy ireo, sy ny sisa. Saingy hitako fa raha ho Kristiana iray aho, izaho—tsy afaka hilaza aho hoe, "Ankehitriny dia Advantistan'ny andro Fahafito iray aho." Ankehitriny, mety tsara izany. "Batista aho." Mety tsara izany, hitanareo, saingy tsy maintsy nanana zavatra iray azo antoka kely kokoa noho izany aho. Izaho—izaho tsy afaka hahatoky, satria ny tsirairay avy dia niroaroa saina.

⁹⁴ Nieritreritra aho hoe, "Misy olona anankiray any ho any, tsy maintsy manana zavatra iray izay marina ianareo, any ho any."

⁹⁵ Koa nila fara-teny iray aho, noho izany dia naka anankiray aho, ny Tenin'Andriamanitra. Noho izany dia namaky tao amin'ny Teny aho fa Izy no Teny, Masindahy Jaona 1. "Ary eo ambonin'ity fara-teny ity, no Hanorenako Ny Fiangonako." Marina izany, noho izany dia noraisiko tamin'Ny Teniny Izy. Hoy ny Apokalypsy 22:19 hoe, "Na iza na iza hanaisotra Teny iray avy amin'Ity, na hanampy teny iray amin'Izany." Izany no fara-teny. Izany no faran'ny fifandirana rehetra. *Ity* no fara-teny. "Na iza na iza manala zavatra iray avy amin'Izany, na manampy zavatra iray amin'Izany," hoy Andriamanitra, "Hesoriko ao amin'ny Bokin'ny Fiainana fotsiny ny anjarany," koa Izany no tsy maintsy ho fara-teny. Ary Jesosy no nilaza fa, "Tsy ny mofo ihany no hiveloman'ny olona, fa ny Teny rehetra." Noho izany dia fantattro fa tsy maintsy ho ity "Teny rehetra" ity izany. Voalaza hoe, "Didy ambonin'ny didy, ary fitsipika ambonin'ny fitsipika." Tahaka an'izany no tsy maintsy Hahatongavany, araka ny nanoratana Azy fotsiny.

⁹⁶ Avy eo dia hoy Izy hoe, "Raha mitoetra ao Amiko ianareo," Izy no Teny, "Ny Teniko mitoetra ao aminareo, dia afaka mangataka izay tianareo ianareo." Fantattro tamin'izay fotoana izay fa raha ny Tenin'Andriamanitra no Kristianisma. Ary Izy no Teny; ary amin'ny fanekena ny Teny, ny Teny izay velona tamin'ny Alàlany, tamin'izay fotoana izay dia fantattro hoe, "Raha mitoetra ao Amiko ianareo, ary Ny Teniko ao aminareo, dia angatahao izay tianareo." Ary raha ao amin'ny Teny ianareo ka ampanahan'ny Teny, dia hangataka an'izay tenenin'ny Teny aminareo mba hangatahana fotsiny ihany ianareo. Fantaro ny andro izay iainanareo, amin'izay fotoana izay, ary avy eo dia mangataha arak'izany.

⁹⁷ Koa noho izany, miverina amin'ilay lohahevitra, manao . . . Miresaka an'izany manokana ankehitriny, fa voafatotra aho.

Mifatotra amin'i Jesosy Kristy aho, Aminy, amin'ny alàlan'Ny Teniny. Izy no fara-teniko.

⁹⁸ Efa hitako fa nanana ny fara-teniny ireo anaram-piangonana rehetra sy ny sisa ireo. Ny tsirairay avy, ny tsirairay avy, dia nanana ny fara-teniny manokana izy ireo.

⁹⁹ Ny Katolika, rehefa milaza zavatra iray io papa io, dia izay ilay izy. Izany no fara-tenin'ny fiangonana Katolika. Tsy ahoako izay lazain'ny pretra, izay lazain'ny eveka, izay lazain'ny kardinaly; rehefa ny papa no milaza an'ilay izy, dia izay ilay izy. Izany no fara-teny. Marina tokoa izany.

¹⁰⁰ Ao amin'ny fiangonana Metodista sy ny maro amin'ireo anaram-piangonana Protestanta, izay lazain'ny eveka, dia izany no fara-teny. Izay ihany. Izay lazain'ny fanekem-pinoana, dia izany no fara-teny.

¹⁰¹ Ao amin'ireo Pentekotista, izany dia izay lazain'ilay mpanara-maso ambony, na afaka mandray an'io olona io ho an'ny fifohazana iray ianareo, na tsia. Izany no fara-teny. Raha tsy manaiky an'ireo teniny ianareo, dia voaroaka avy ao amin'ilay rafi-pandaminana. Hitanareo, tsy asiana fiheverana mihitsy ny Teny. Hitanareo? Manana an'ireo fara-teny ireo ianareo, ny tsirairay dia manana ny fara-teniny manokana.

¹⁰² Fa, fantatrareo, tsy milaza an'izao ho fanimbazimbana aho. Milaza an'izany ho fahamarinana aho. Tsapako fa tahaka an'izany no nataon'i Paoly, rehefa nilaza Izy, ao amin'ny Asa 20:24 hoe, "Tsy misy amin'ireo zavatra ireo hampihetsika ahy." "Efa nanapa-kevitra aho ny tsy hahafantatra na inona na inona teo anivonareo; afa-tsy Jesosy Kristy, ary Izy voahombo." Tsy voaelingelin'ireo fara-teny ireo aho, na papa ilay izy, eveka, na mpanara-maso ambony iray, na mpanolo-tsaina iray, na rafitra iray, na inona na inona ilay izy, tsy misy amin'ireo zavatra ireo hampihetsika ahy. Tsy ahoako raha hoy izy ireo hoe, "Eny, izahay—izahay tsy hi—..." Tsy manao fahasamihafana iray izany na kely aza. Efa nanapa-kevitra ny tsy hahafantatra na inona na inona afa-tsy Jesosy Kristy aho, Ny Teniny tonga voaseho eo anivontsika. Mifatotra eo amin'Izany aho. Izany no vatoфantsika. Mifantsika ao amin'Izany aho.

¹⁰³ "Hatramin'izaho..." Hoy i Paoly hoe, "Hatramin'ny nihaonako Taminy, teny amin'ilay lèlana, niverina aho. Izaho dia...Izy no nanitsy ahy."

¹⁰⁴ Oadray, toy ny ahoana no Nanitsiany ahy! Nanitsiana iray toy ny inona no tsy maintsy Nataony tamiko. Fa hatramin'ny Nanitsiany ahy, dia nifatotra tamin'Izany aho. Hitako fa ny Teny no Fahamarinana, ny zavatra rehetra mifanohitra amin'Izany dia diso.

¹⁰⁵ Mba fantatrareo moa? Nanana tanjona iray Izy tamin'ny namonjena ahy. Nanana tanjona iray Izy tamin'ny namonjena anareo. Ary nanapa-kevitra aho, amin'ny alàlan'ny Sitrapony,

ny hanao ny Sitrapony. Ny antony Nanaovany an'izany, tsy fantattro hoe nahoana Izy no nanao an'izany.

¹⁰⁶ “Aza manampy amin’Izany na manaisotra amin’Izany!” Araka ny nolazaiko, Apokalypsy 22:19 no nilaza hoe aza manao an’izany. Raha Izy no fara-tenintsika, dia tsy mety ho hafa izany. Tsy misy fomba haha-hafa an’izany. Tsy maintsy ho Izy no fara-teny, ilay Teny farany.

¹⁰⁷ Fantatrareo, nisy an-tapitrisany ireo tao anatin’ny fahotana fony aho novonjena. Nanana tanjona iray Izy namonjena ahy. Izaho ilay mahatsikaiky teo anivon’ireo rahalahy, matetika; mino ny fididianana mialoha, ny taranaky ny menarana, ny batisa amin’ny Anaran’i Jesosy Kristy, ary ireo zavatra hafa rehetra ireo izay toy ny hoe...sy ireo fahitana, ary ny herin’i Kristy niverina indray, ka manameloka an’ireo rafipandaminana sy ny sisa. Izaho ilay mahatsikaiky, saingy nanana tanjona iray Izy hamonjena ahy, tanjona iray tamin’ny nanaovana an’izany. Namonjy ahy Izy nefo nisy an-tapitrisany hafa tao anatin’ny fahotana, saingy namonjy ahy Izy nohon’ny antony iray. Teo ireo lehilahy nianatra, teo ireo lehilahy mahay, teo ireo teolojiana, teo ireo eveka sy dokotera, sy ny sisa, teny amin’ny saha, rehefa namonjy ahy Izy, saingy namonjy ahy Izy nohon’ny antony iray.

¹⁰⁸ Koa hitako fa ny Teny no fara-teny, ary mifatotra amin’Izany aho, ka nanapa-kevitra fa tsy hahafantatra na inona na inona hafa afa-tsy Jesosy Kristy, ary Izy voahombo. Nanana antony iray ho an’izany Izy, ary nanapa-kevitra aho ny hihazona an’izany antony izany. Tsy mampaninona izay lazain’ny olonkafa, tsy manapaka ny fiombonana amin’izy ireo aho na manambany azy ireo, fa fantattro izay ifatorako. Izy no nila ahy ho tahaka an’izao. Izy no nanao ahy tahaka an’izao. Natao tahaka an’izany aho ho an’ny antony iray. Tsy maintsy natao tamin’ireo toetra rehetra ireo aho, sy ny sisa, ary ireo tsy misy dikany rehetra ireo, mba Ahafahany mamoaka an’izany avy ato amiko; mameetraka zavatra ao, Ny Teniny izany. Ary nanapa-kevitra aho ny tsy hahafantatra na inona na inona hafa afa-tsy Kristy.

¹⁰⁹ Ny fahafatesan’i Kristy no fara-teny iray. Fara-teny iray izany. Izany no faran’ny tahotra rehetra an’ireo izay mahatotra fahafatesana. Ny Fahafatesany no fara-teny iray, arak’izany.

¹¹⁰ Matahotra fahafatesana ny olona. Na dia i Joba aza dia natahotra fahafatesana. Saingy rehefa hitany ilay fahitana! Fantany fa lasa ny zavatra rehetra; ny fianakaviany, ireo—ireo zanany. Na dia ny vadiny aza dia nivadika nanohitra azy, nohon’ny—ny hamaimbon’ireo—ireo vainy; nipetraka tany ivelan’ny tranony izy, teo ambonin’ny antontan-davenona iray, nihaotra an’ireo—ireo vainy. Ary na dia ny vadiny aza dia nanao

hoe, “Nahoana ianao no tsy manozona an’Andriamanitra, dia maty amin’ny fahafatesana?”

Hoy izy hoe, “Miteny tahaka ny vehivavy adala iray ianao.” Hitanareo?

¹¹¹ Tamin’izay fotoana izay rehefa niresaka taminy i Eliho. Indray andro any, dia tiako ny hamelabelatra an’io anarana io aminareo, Eliho, ka haneho aminareo fa Kristy izany.

¹¹² Rehefa tao amin’io toerana io izy, ka lasa nanohitra azy ny zavatra rehetra, tamin’izay fotoana izay dia hitany ny fahitana ny amin’ilay Anankiray Marina. Te-hahita Olona iray izy Izay afaka hijoro ao amin’ilay elanelana ho azy; hametraka ny Tànanay eo amin’ny olona mpanota anankiray sy Andriamanitra Masina iray, ary hijoro eo amin’ilay lâlana. Ary namela azy hahita an’Izany Andriamanitra, efatra arivo taona mialoha. Izany no fara-teniny. Nitsangana izy ary nanetsika ny tenany. Haleloia!

¹¹³ Rehefa matahotra ny ho faty ny olona iray, dia mitsangàna ary hetseho ny tenanareo, mijere ao amin’ny Teny ka jereo hoe inona ilay fahitana avy amin’Andriamanitra.

¹¹⁴ Nahita an’io fahitana io izy, hoy izy hoe, “Fantattro fa velona ny Mpanavotro, ary hitsangana eto ambonin’ity tany ity Izay amin’ny andro farany. Koa mamatotra ny tenako amin’izany aho! Na dia levon’ny kankan’ny hodittra aza ity vatana ity, dia mbola hahita an’Andriamanitra ao amin’nynofoko aho; Izay ny tenako no hahita. Mifatotra amin’izany aho,” hoy izy. Hitany izany. Teny fikasan’Andriamanitra iray izany.

¹¹⁵ Nandinika an’ireo lalàn’ny natiora izy. Araka ny noteneniko taminareo mikasika ny fitohizan’ny lalàn’ny natiora, ny fitohizan’ny Teny, ny fitohizan’ny hetsik’Andriamanitra, ny zavatra rehetra dia fitohizana. Nanontany izy, ao amin’ny Joba 14. Hoy izy hoe, “Misy fanantenana ao amin’ny hazo iray, raha maty izy; ny voninkazo, raha maty izy; sy ny sisa. Fa,” hoy izy, “mandry ny olona, ka manolotra ny fanahiny, miampatra izy. Tonga ireo zanany hanaja azy, fa tsy hitany izany. Oh,” avy eo dia hoy izy hoe, “raha hanafina ahy ao am-pasana Ianao, dia afeno lavitra aho ka hazony ao amin’ny toera-miafina, mandrapandalon’ny Fahatezeranao!” Natahotra fahafatesana izy.

¹¹⁶ Fa rehefa nahita mialoha izy, satria mpaminany iray, nahita ny fitsanganan’i Jesosy Kristy, dia niantsoantso izy hoe, “Velona ny Mpanavotro!” Diniho, izy dia niantso Azy hoe, “Mpanavotra.” Diniho. “Fantattro fa velona ny Mpanavotro, ary hitsangana eto ambonin’ny tany Izay amin’ny andro farany; na dia aorian’ny andevonan’ny kankan’ny hodittra an’ity vatana ity aza, dia mbola hahita an’Andriamanitra ao amin’nynofoko aho.” Andriamanitra sy ny olona lasa iray. “Hahita an’Andriamanitra aho; Izay ny tenako no hahita, ny masoko no hibanjina, fa tsy ny hafa.” Amena.

¹¹⁷ Tsy olon-kafa fa io Mpanavotra io, Andriamanitra, izany Ilay banjinin'ny masoko. Izy no fara-teny iray. Izy no fara-teny. Izy no manala ny tahotry ny fahafatesana rehetra. Izy no manala ny tahotra rehetra.

¹¹⁸ Ao amin'ny Hebreo, ny toko faha-2, ny andininny faha-14 sy faha-15, diniho. Naka endrik'olona Izy, mba ho faty tahaka ny anankiray, ho an'ny rehetra. Naka endrik'olona Izy. Nidina ity Mpanavotra ity ary tonga olona, mba Ahafahany ho faty, ny Olona anankiray, ho an'ny olona rehetra. Oh, ahoana no Nanaovany an'izany? Ho an'ny inona no naha-lasa an'Andriamanitra ho olona iray? Mba handoa ny sazin'ny olona.

¹¹⁹ Fa, tamin'ny marain'ny Paska, dia nivoaka Izy niaraka tamin'ireo fanalahidin'ny fahafatesana, ny helo, ary ny fasana. Amena. Andriamanitra, Izay afaka ny ho faty teo amin'ny hazo fijaliana, nefy tsy afaka nihazona Azy ireo fasana; tsy nisy na inona na inona, tsy afaka nihazona Azy ny helo. Tsy nisy na inona na inona afaka nihazona Azy. Nitsangana Izy. Izy no nanana an'ireo fanalahidy. Nitsangana Izy, Mpandresy iray, satria Izy no nandresy ny fahafatesana, ny helo, ny fasana. Rehefa teto an-tany Izy, dia nandresy ny aretina Izy. Nandresy ny zavatra rehetra Izy. Nandresy ny finoanoam-poana Izy. Nandresy ny zavatra rehetra izay tokony ho resena Izy. Ary rehefa nivoaka avy tao amin'ny fahafatesana, ny helo, ary ny fasana, dia nikorintsana teo amin'ny Valahany ireo fanalahidy; ary niakatra any amin'ny Avo, sy nanome fanomezana ho an'ny olona, ary niverina indray tamin'ny Andron'ny Pentekosta ka nanolotra azy ireo tamin'i Petera, ho an'ilay Fiagonana. Amena. Izy no faratenintsika. Ny tahotry ny fahafatesana rehetra... Satria velona Izy, dia velona koa isika.

¹²⁰ Romana 8:1, “Koa satria nohamarinina tamin'ny finoana, dia manana fiadanana miaraka amin'Andriamanitra isika amin'ny alàlan'i Jesosy Kristy Tompontsika.” Mahita isika, mino aho fa ny Romana 5 izany, mahita isika. Ary—ary Izy no fanamarinana antsika. Nanangana Azy tamin'ny andro fahatelo Andriamanitra, mba hanamarina ny finoantsika, hoe mino an'izany isika. Ary nanangana Azy Izy, mba hanamarina ny finoantsika. Inona no Nataony tamin'izany? Naniraka Azy hiverina indray Izy, ilay Mpanamarina, satria mino an'izany ny finoantsika. Ny Fanahy Masina, Kristy, no niditra tao amin'izany, ho an'ny fanamarinana antsika, satria nitsangana avy tamin'ny fahafatesana ho amin'ny Fiainana isika. Ary ankehitriny isika dia zanakalahy sy zanakavavin'Andriamanitra, mipetraka ao amin'ny toeran-Danitra ao amin'i Kristy Jesosy, izay nanamarina antsika tamin'ny alàlan'ny Fitsanganany.

¹²¹ Izany dia manome antsika ny fanamarinana, mba hahafantatra, miaraka amin'ny—miaraka amin'ny antoky ny famonjena ao anatintsika ankehitriny, ilay tena Ain'i

Kristy mihitsy no mitempo ao anatintsika. Ary ahoana no ahafahantsika handà ny Teny amin'izay fotoana izay? Fa, Izy no Teny izay manome antsika ny... an'io antoka io. Eo ny Fanahy Masina. Inona Izany? Izany dia mbola io Kintana Avaratra io foana, ilay Kristy io Kintana Avaratra io. Ary ny Fanahy Masina io fanamarinana io izay manondro an'ilay mpino mahitsy tsara mankany amin'ilay Kintana Avaratra. Marina.

¹²² Hanondro mankany amin'ny Teny foana ny Fanahy Masina. Raha manondro mankany amin'ny fanekek-pinoana iray na anaram-piangonana Izany, dia tsy ny Fanahy Masina. Tsy afaka manao an'izany Izy, manondro lavitry Ny Teniny, nefà Izy dia maty mba hanamarina an'io Teny io sy hanao an'io Teny io ho pozitifa iray. Amena. Maty Izy mba Ahafahany hiditra, Izy tenany, ao amin'io Teny io. Izy no Aina mamelona izay manao an'io Teny io ho velona indray. Izany no Tanjon'ny nahafatesany, mba Ahafahany maneho ny Tenany foana amin'ny alàlan'Ny Fiangonany, ary manao ny Teny rehetra, manerana ny taona rehetra, hihetsika marina tokoa amin'ny fomba izay nanaovana Azy hihetsehana.

¹²³ Izy no dynamikan'ireo mekanika. Ireo mekanikan'ilay Fiangonana, inona izany? Apostoly, mpaminany, mpampianatra, sy ny sisa. Ary Izy no dynamika izay mampandeha an'izany. Ary izany dia mandeha amin'ny alàlan'ny dynamika manokana iray izay antsoina toy ny hoe... Izy, Izy no Afo izay mandrehitra ny lasantsy. Izy no Afo izay ao amin'ilay efitrefitra fampirehetana, ka rehefa ny—ny lasantsy, ny—ny Teny, no miraraka eo amin'io efitrefitra fampirehetana io, dia Izy no Anankiray izay manao azy hirehitra. Izy no Anankiray izay manamarina an'izany. Izy no herin'ny fitsanganana. Andriamanitra Izy. Izy, Izy no Afo, izany Izy.

¹²⁴ “Iaraha-manaiky,” hoy ny Timoty Voalohany 3:16, “fa lehibe ny zava-miafin’ny toe-panahy araka an’Andriamanitra; fa voaseho tao amin’ny nofo Andriamanitra, hitan’ireo anjely, nakarina any amin’ny vominahitra.” Andriamanitra Izy, tonga mba haka ny toeran’ireo mpanota. Eny, tompoke. Ary rehefa Izy, Andriamanitra, no nanangana Azy ny—tamin’ny andro fahatelo, dia ho an’ny fanamarinana antsika. Noho izany, nasandratra teo an-tànana ankavanan’ny Fiandrianana any amin’ny Avo, Mpanelanelana iray Izy, mba hanao fanelanelanana eo amin’ny... ho an’ireo fahalementsika, raha miaiky an'izany Aminy isika, sy maty amin’ny tenantsika; mametraka Ny Teniny indray ao anatintsika, ny teny fikasana. Ary ny finoantsika no manao an'io Teny io ho velona, satria ao anatintsika Kristy, ilay mpamelona ny Teny.

¹²⁵ Toy ny ahoana no aniriako mba hahitan’ny fiangonana an'izany, ho tapitra ireo adi-hevitra sy fifandirana rehetra! Izany no ho Fitsarana Faratampony. Izany no Kintana Avaratra. Haleloia. Izany no faran’ny fifandirana rehetra. Izany no

faran'ny fanontaniana rehetra. Izany no faran'ny zavatra rehetra. "Andriamanitra no niteny an'izany," izany no Fara-teny. Afatory amin'Izany ny tenanareo. Hoy i Paoly hoe, "Tsy misy na inona na inona ankehitriny, tsy hisy na inona na inona amin'ny ho avy, fahafatesana, aretina, fitanjahana, loza, tsy misy na inona na inona afaka mahasaraka antsika amin'Izany." Mifatotra amin'ny fara-teny iray isika. Hoy izy, "Fa ny antony ahavelomako dia—dia Kristy, ary ny fahafatesana dia tombony." Tsy misy na inona na inona hafa hihazona afa-tsy Izany eo. Izany no fara-teny.

¹²⁶ Izy no Fara-tenintsika satria manana ny antoky ny fitsanganana isika, satria nitsangana ao anatintsika Izy. Ahoana no ahafantarantsika? Velona Izy. Manao marina tokoa an'izay Nataony fony Izy teto an-tany teto Izy. Izy ilay Andry Afo iray ihany, manana an'ilay sary isika ao. Izy ilay anankiray tsy miova ao amin'ny Fiagonana. Eto Izy androany, ary ao amin'ity vatana ity no Anaovany sy ihetsehany marina tokoa tahaka ny Nataony tamin'izany.

¹²⁷ Raha ny ain'ny pasteky iray no atao ao anatin'ny voatavo mena iray, dia tsy hitondra voatavo mena hafa iray mihitsy izany; tsy afaka izy, satria ho pasteky iray izany, satria ilay aina izay ao anatin'ny dia pasteky. "Ary raha Ny... Mitoetra ato Amiko ianareo ka ny Teniko ao aminareo, dia angataho izay tianareo!" Hahazo pasteky ianareo. Amena. Ny Fara-teny, fantattro fa izany no Fahamarinana. Mamatotra ny fanahiko ao amin'izany aho, ary fantattro fa izany no Fahamarinana. Ny Tenin'Andriamanitra, Izy no Fara-tenintsika.

¹²⁸ Tesaloniana Faharoa, ny toko faha-2, no amakiantsika an'izany. "Hakarina miaraka amin'ireo malalantsika isika, hihaona Aminy eny amin'ny habakabaka." Oh, toy ny ahoana no itempon'ny foko amin'ny Teny rehetra ao amin'Ny Bokiny hoe, "amena." Hoy Andriamanitra hoe, "Hakarina eny amin'ny habakabaka isika, hihaona amin'ireo malalantsika." "Amena," hoy ny Teny ao am-poko ao, satria ao ny Teny.

¹²⁹ "Tao am-poko no nanafenako Ny Teninao, Tompo, mba tsy hanotako manohitra Anao. Afatotro eo amin'ireo rantsantänako izy ireo, eo ambonin'ny andrim-pandrianako. Eo anatrehako foana Ianao. Tsy hihetsika aho."

¹³⁰ "Eny, na dia mandeha mamaky ny lohasaha aloky ny fahafatesana aza aho. Tsy hatahotra ny ratsy aho, satria Ianao no Fara-teniko. Handeha hamakivaky eo aho, ary Ianao no hisintona ahy hivoaka. Raha mandeha ao anatin'ny rano lalina amin'ny samboko aho, dia Ianao no... Ianao no vatofantsiko. Amena. Ianao no ao ambadiky ny voaly ao. Ianao no Anankiray Izay mbola mamily ahy manerana an'ilay oram-baratra. Ianao no Anankiray izay ho Any, ny vatofantsiko any amin'ny Voninahitra, rehefa mandeha ao amin'ireo aloky ny lohasaha

aho, ireo aloky ny fahafatesana.” Rehefa tonga eo Jordana aho, rehefa tsy maintsy hiampita aho, dia Izy no Fara-teniko. Mifatotra eo amin’ilay Anankiray nitsangana eo amin’ny ilany hafa aho, Izy no hisintona ahy manerana an’ireo rano mampididoza. “Tsy hatahotra ny ratsy aho, fa Ianao no momba ahy.” Amena. Aoka ho romotra ireo oram-baratra, ny fiainana, ny fahafatesana, na inona na inona misy; tsy hisy na inona na inona hahasaraka. Mifatotra eo amin’io Andry io aho.

¹³¹ Mihazona io Andry io. Mihazona ao anatin’ny voaly Izany. Nifikitra Izany. Nifikitra tamin’Andriamanitra Izany. Nifikitra tao am-poko Izany. Ny Fanahy Masina no nanaitra ahy ho amin’io teny fikasana io. “IZAHO NO IZY,” tsy hoe “Izaho no ho izy, Izaho izay efa, Izaho no ho izy indray andro any.” “Izaho no Fananganana sy Fiainana,” hoy Andriamanitra. “Izay mino Ahy, na dia maty aza izy, dia mbola ho velona. Ary na iza na iza velona ka mino Ahy, dia tsy ho faty intsony.”

¹³² Avelao hanao izay tiany hatao ny fahafatesana, tsy hanelingelina ahy mihitsy izany. Satria, resy lahatra aho, resy lahatra aho fa na dia ao anatin’ny aretina izay mety haka ahy aza, na ao amin’ny bala anankiray avy amin’ny basy iray, mety haka ahy indray andro any. Tsy fantatro hoe ho inona izany. Inona no fahasamihafana ataon’izany amiko? “Fa Kristy no antony ahavelomako, ary ny fahafatesana dia tombony.” Oh, oadray! Satria, nanapa-kevitra aho hoe mahafantatra Azy mipetraka any am-pitan’ilay reniranon’ny fahafatesana aho, izay Hisintonany ahy ho ao amin’Ny Fanatrehany indray andro any. Nohamarinina tamin’ny Fahamarinany, hoe nanaiky ny Fahafatesany teo amin’ny hazo fijaliana aho, Andriamanitra tonga nofo eo anivontsika; mbola nofo ao anatintsika foana, mbola Fanahy ao anatin’nynofontsika foana. Amena.

¹³³ Izy no Fara-teniko. Izy no rehetrako. Ny zavatra rehetra ankoatran’izany, dia tsy mitondra na inona na inona eto antsandriko aho. Tsy mahafantatra na inona na inona ankoatran’i Kristy aho, ary Izy voahombo; tsy te-hihaino na inona na inona hafa afa-tsy Kristy, ary Izy voahombo. Ny foko dia miteny “amena” amin’ny tsirairay avy amin’ny Fampanantenany. Izany no antony ahafantarako fa Ny Fanahiny Masina dia famantaran’avaratra iray, Izany no mitari-dàlana ahy mankany amin’ny Teny.

¹³⁴ Tsy nisy anankiray mihitsy tamin’ireo fahitana ireo izay hany nilaza zavatra iray tamiko ka tsy marina tao amin’ny Teny. Oh, teo no nahazoako ny antoko, rahalahy. Tamin’io alina io rehefa niteny tamiko mikasika an’izany Izy, dia nandinika an’ireo fahitana ireo aho. Ary hiantso ny fifantohanareo aho, efa mba nilaza zavatra iray izay nifanohitra tamin’ny Teny ve izany fahitana izany? Tsy mbola diso mihitsy izany na dia indray mandeha aza. Nahoana? Izany dia Andriamanitra. Izany no andrim-pamatorako.

¹³⁵ Ary fantattro, indray maraina, tao amin'ny fahitana iray, nahita an'ireo malalako aho tany am-pitan'ilay renirano tany. Any izany. An-dàlana mankany amin'io Tany nampanantenaina io aho. Tsy maintsy hihaona any aho indray andro any. Eny, tokoa.

¹³⁶ Izy no Fara-teniko. Izy no Masoandroko. Izy no Fiainako. Izy no andrim-pamatorako, ny Kintana Avaratro. Izy no rehetra izay hany azoko eritreretina, izany Izy amiko. Izy no Fiainako.

¹³⁷ Ireo anaram-piangonana, ho ahy... Tsy mandratra ny fihetseham-ponareo; tsy te-hanao an'izany aho. Fa ny Teny dia tahaka ny sabatra roa lela, tsy afaka hitsofoka Izany ka tsy mandratra, hitanareo, indrindra rehefa mandratra ao anatin'ny aizina Izany. Mariho, ireo anaram-piangonana dia mitovy amin'ireo kintana hafa, mifindrafandra miaraka amin'ny fihodin'izao tontolo izao izy ireo. Marina izany. Ny lâlana rehetra izay alehan'izao tontolo izao, mamela an'ireo vehivaviny hanapaka ny volony izy ireo, hanao sorta, sy ny zavatra hafa rehetra, mifindrafandra fotsiny miaraka amin'ny Hollywood sy ny zavatra hafa rehetra izy. Saingy, oh, rahalahy, *Io* dia mbola mijanona ho ny Fahamarinana foana, io Tenin'Andriamanitra velona tsy afaka mihetsiketsika io dia mbola ny Fahamarinana foana! Izany no Fara-teniko. Izay Lazainy dia ny Fahamarinana. Avelao ny anaram-piangonana hifindrafandra any amin'izay rehetra tian'izy ireo. Te-hanambany ny Anaran'i Jesosy Kristy izy ireo, miaraka amin'ny titra iray, miankina amin'izy ireo izany. Fa, ho ahy, "Tsy misy Anarana hafa eto ambanin'ny Lanitra nomena teo anivon'ny olona, izay tsy maintsy hahavonjy anareo." Ho ahy, dia izany no Teny fototra, eo no misy an'ilay vato fehizoro. Tsy te-hifindrafandra miaraka amin'ny anaram-piangonana iray mihitsy aho.

¹³⁸ Manana ny Famantaran'avaratro aho ato amiko ato, ny Fanahy Masina, izay manondro ahy mahitsy tsara mankany amin'ilay Fara-teny. "Satria ny lanitra sy ny tany ho levona, fa Ny Teniko tsy levona mihitsy." Ary tao am-poko no nanafenako an'Izany, ka ny Fanahy Masina no nanondro ahy avy hatrany mankany Aminy. Nanapa-kevitra aho ny tsy hahafantatra na inona na inona hafa. Izany no Fara-teniko. Mamela an'ilay izy ho tahaka an'izany fotsiny. Tahaka an'izany no ilako azy. Oh, oadray! Ankehitriny, rahalahy, ranabavy, ataovy ao Aminy ny Fara-teninareo. Eny, tompoko.

¹³⁹ Tao amin'ny fotoan'ny fahasarotana izay nananako teto vao tsy ela akory izay, lasa ny vadiko, ireo zanako, ny zavatra rehetra. Nilaza tamiko ny olona iray, nanao hoe, "Nihazona ny fivavahanao ve ianao?"

¹⁴⁰ Hoy aho hoe, "Tsia, Izany no nihazona ahy." Hitanareo? Hitanareo, nanana Fara-teny iray aho, mba hahafantatra fa hahita azy ireo indray aho indray andro any. Amena. Tsy afaka

nahavita an'izany aho raha tsy nanana an'io Fara-teny io. Izany no nanao an'ilay fahasamihafana tao amiko, rehefa voafatotra aho, satria fantattro fa hahita azy ireo indray aho.

¹⁴¹ Ankehitriny, nohon'ny fahasoavana, dia mifatotra Aminy aho Izay nanao hoe, "IZAHO NO IZY," tsy "Izaho izay efa." "IZAHO NO IZY," mandrakariva, manatrika-mandrakariva, faratampony-, faratampony fahaizana, faratampony-, faratampony hery, tsy manam-petra, fa Izy dia tsy "Izaho izay efa." "IZAHO NO IZY," mbola ny fitsanganana foana Izy. Mbola ny Kintana Avaratra foana Izy. Mbola ny zavatra rehetra foana Izy, ho ahy.

¹⁴² Nanana fara-teny iray i Mosesy. Rehefa nihaona tamin'io roimemy nirehitra io izy, dia fara-teny iray izany ho azy. Rehefa Josoa, rehefa Josoa . . .

¹⁴³ Oh, fantatrareo, indraindray rehefa maka fara-teny iray ianareo, dia fara-teny iray no hitarika anareo ho amin'ny sarotra inoana iray. Marina izany. Eny. Ny sarotra inoana iray dia zavatra izay tena misy, saingy tsy hay hazavaina. Sarotra inoana iray izany.

¹⁴⁴ Rehefa nitsangana tany i Josoa, ka nahita fa nanana ilaina izy! Andriamanitra no naniraka azy nandeha tany ka haka an'ilay tany, handroaka an'ireo olona ireo, ary—ary hametraka ny Isiraely ao amin'ilay tany. Fa indray andro, dia nandositra ireo tafika, ary tao amin'ilay firenena. Ary ny—ary ny zavatra voalohany fantatrareo, dia fantany fa voaroakany izy ireo, raha mbola manao azy ireo ho ringana tanteraka foana izy. Noho izany, rehefa nanao izy, dia efa saika hilentika ny masoandro. Koa nifatotra teo amin'ny Fara-teny iray i Josoa, ny Tenin'Andriamanitra, ilay Mpamorona. Nifatotra teo amin'ny asa iray izay tsy maintsy ataony izy. Amena.

¹⁴⁵ Indraindray dia tsy mahafinaritra ny tsy maintsy manao an'ilay izy; tsy maintsy mandratra fihetseham-po ianareo, mandrantsana sy manapaka. Saingy fara-teny iray izany.

¹⁴⁶ Nanana ilaina izy. Hoy izy hoe, "Ry masoandro, mipetraha tsara ianao, eo! Ry volana, mihantona eo mihitsy ianao!" Ary, nandritry ny efatra amby roapololo ora, dia nipetraka tsara izy. Oh, miresaha mikasika ny sarotra inoana iray! Fa nifatotra tamin'ny fara-teny iray izy, niaraka tamin'ny fanirahana iray. Eny, tokoa, Andriamanitra no naniraka azy.

Nahazo antoka i Jaona fa nahita an'ilay Voromailala izy rehefa tonga teo Aminy Izany.

¹⁴⁷ Rehefa nahita an'io Andry Afo io aho, tahaka an'i Paoly teny amin'ny lâlana mankany Damaskosy, dia fantattro fa izany no Fara-tenin'Andriamanitra, tonga ny fifohazana iray izay hamafa ny firenena. Fantattro fa Izany no hialoha lâlana ny Fihavian'i Jesosy Kristy faharoa, ary mbola mino an'izany aho androany. Izany no Fara-teniko, na dia sarotra inona iray aza ilay izy. Azo

antoka, saroatra inoana iray izany, ny amin'ny Andry Afo iray mihantona eny amin'ny lanitra. Ary ireo gazety sy ny sisa dia naka ny sarin'Izany.

¹⁴⁸ Sarotra inoana iray, indray andro, tamin'ny faha-15-n'ny Martsa, na ny faha-15-n'ny May, mino aho...tsia, ny faha-15-n'ny Martsa, tamin'io taon-dasa io. Fa, telo na efa-bolana nialoha, *Tompokolahy, Amin'Ny Firy Izao?*, no nilazana fa handeha ho any izahay, "Ary hihaona amin'ny Anjely fito, dia hiverina ka ny—hosokafana ny Bokin'ireo Tombokase Fito." Ary nitsangana tany mihitsy niaraka tamin-dRahalahy Fred Sothmann, izay vao avy nanao "amena" teo, nitsangana tany teo akaikiny, nahoana, niteny tamin'izy ireo hoe, "Hisy tabataba iray izay hanozongozona ny firenena." Dia hoy aho hoe, "Hisy izany. Izany no HOY NY TOMPO HOE." Ao amin'ny horonam-peo izany, horonam-peo, horonam-peo, hatrany Phoenix manodidina rehetra any. "Izany no HOY NY TOMPO HOE."

¹⁴⁹ Indray andro, nitsangana tany, nanala an'ireo tsipolitra, na manara-poana kely iray teo amin'ny tongotro, tahaka an'izany; teo ireo Anjely fito ireo namakivaky avy tany amin'ny lanitra ka nanozongozona an'ilay toerana, hany ka, ireo vato, nilanja dimampolo na enimpolo livatra, nikodiadia teo amin'ny sisin'ilay havoana. Teo no nitsangana ireo Anjely fito, naniraka ahy hiverina ka hitondra an'ireto Hafatra ireto, ary nanao hoe, "Tsirairay" izy ireo no "hihaona ka hiteny izay hitranga." Ary tahaka an'izany marina tokoa no nitrangany. Ary rehefa niakatra tany amin'ny Avo izy ireo, tahaka an'izao, lasa tany amin'ny telopolo maily ny haavony teny amin'ny habakabaka; ary, tamin'io andro io ihany, no nakan'izy ireo ny sarin'Izany, ny siansa no naka, ary nandeha nanerana an'izao tontolo izao. Sarotra inoana iray izany, saingy Fara-teny iray. Izany no namatotra ahy mafimafy kokoa amin'i Jesosy Kristy, manodina ny fiainako mankao Aminy. Fantatro fa toy ny hafahafa ilay izy. Izany foana ilay izy.

¹⁵⁰ Sarotra inoana iray ho an'i Paoly, ny nihaona tamin'i Jesosy teny amin'ny lèlana mankany Damaskosy. Sarotra inoana iray rehefa manova fon'ny mpanota iray mainty Andriamanitra, ka manasa an'izany ho fotsy ao amin'Ny Ràny Manokana. Sarotra inoana iray izany. Izany tokoa. Mino ny sarostra inoana ve ianareo? Ary io sarostra inoana io, raha araka ny Tenin'Andriamanitra ilay izy, dia afaka ny ho fara-teninareo izany. Ny firesak'i Paoly dia sarostra inoana iray, ary lasa fara-teniny.

¹⁵¹ Tsaroako teto, fotoana vitsy lasa izay, nipetraka niaraka tamin'ny mpivaro-panafody antitra iray aho, ary niresaka tao amin'ny toerana kely iray izahay. Hoy izy hoe, "Rahalahy Branham, te-hanontany zavatra iray aminao aho." Ary Batista

iray izy, ny tenany. Hoy izy hoe, “Mino ny sarotra inoana iray ve ianao?”

Hoy aho hoe, “Azo antoka. Mino tokoa aho.”

¹⁵² Hoy izy, “Tsy hiteny an’izao amin’ny olon-kafa afa-tsy ianao aho,” hoy izy, “fa izaho—mahafantatra aho hoe mino an’izao ianao.”

¹⁵³ Hoy izy hoe, “Nandritry ny fotoan’ny fitotonganana,” hoy izy, “dia tsy maintsy nanana fanafarana iray izy ireo, avy tamin’ny kantao, mba hahazoana fanafody ho an’ny marary.” Ary hoy izy, “Indray andro, dia nipetraka taorian’ny fivarotam-panafody tao aho.” Hoy izy, “Nikarakara an’ireo mpividy ny zanakolahy.” Ary hoy izy, “Hitako ny—ny vehivavy iray niditra.” Hoy izy, “Izy dia... Azonao jerena fa ho lasa reny iray teo no eo izy.” Dia hoy izy, “Zara raha afaka nitsangana ilay zavatra kely. Ary nahantre fitafy ny vadiny, izy roa ireo. Ary niankina tamin’ny sisin’ilay fivarotana izy. Dia nandeha teo izy ka nanontany ny zanakolahy, hoy izy hoe, ‘Manana taratasim-panafody aho ity avy tamin’ny dokotera.’ Hoy izy hoe, ‘Hameno an’ity ho ahy ve ianao ka hamela ahy hitondra ny vadiko ho any an-trano?’ Hoy izy hoe, ‘Niezaka ny namela azy hitsangana tao amin’io filaharana io aho. Nefa jereo fotsiny eo amin’ny lâlambe eto,’ hoy izy, ‘efaa ho adiny efatra na dimy izao.’ Dia hoy izy, ‘Tsy afaka hitsangana izy ankehitriny, afaka mahita ianao.’”

¹⁵⁴ Dia hoy ilay tovolahy hoe, “Tompoko, izaho—tsy afaka manao an’izany aho.” Hoy izy hoe, “Tsy maintsy manana an’ilay fanafarana aloha aho,” hoy izy, “satria izaho—tsy afaka manao an’izany aho. Manohitra an’ireo fitsipika mihitsy izany.” Dia hoy izy... .

¹⁵⁵ Nilaza ny dadany fa nipetraka taoriana tao izy nihaino, hahita izay nolazain’ilay zazalahy. Dia hoy izy hoe, “Iray minitra fotsiny, anaka. Inona izany?”

¹⁵⁶ Dia nolazainy fa nandeha teo izy. Ary lehilahy antitra iray, tena Kristiana iray, tena lehilahy antitra masina iray, hoy izy hoe, “Inona ilay izy, ry rahalahiko tsara?”

¹⁵⁷ Dia hoy izy hoe, “Tompoko,” hoy izy, “izaho dia... ny vadiko, izy dia efa vonona ny—ny—ny hiteraka.” Hoy izy hoe, “Izaho—izaho dia... Nahazo baiko iray avy tamin’ny dokotera aho ity; fanafody iray, tsy maintsy mahazo an’izany izy izao ankehitriny izao.” Dia hoy izy, “Izaho—nitondra azy aho mba hitsangana ao amin’ilay efitra eo io.” Dia hoy izy, “Izaho—izaho... Jereo ity laharana ity,” hoy izy, “misalasala aho raha ho tafiditra izy, izao tolakandro izao.” Hoy izy, “Manontany fotsiny aho raha—raha afaka hameno an’ity ho ahy ianareo?” Hoy izy, “Izaho dia—hitsangana eo aho; izaho no—izaho no hanome anareo ny vola, ny fanafarana ka ilay kantao no mandoa an’izany.”

¹⁵⁸ “Nahoana,” hoy izy, “izany tokoa, tompoko, izaho no hanao an’izany ho anao.” Ary napetrany teo fotsiny ilay fanafarana,

dia lasa niverina. Nilaza izy fa niverina ny zananilahy ka nanomboka nikarakara olon-kafa iray.

¹⁵⁹ Hoy izy, "Nandinika tsara ilay ramatoa kely, indroa na intelo. Nijoro teo izy, ary hatsempohana no teo amin'ny tavany, nahafantatra fa tena narary izy. Ary nitsangana teo ilay rahalahy niaraka tamin'ny sandriny nanodidina azy, fantatraloreo, nanao hoe, 'Mihazòna mafy, malala, vetivety fotsiny ihany ankehitriny.' Hoy izy, 'Hitondra fanafody iray ho antsika ilay mpivaro-panafody tsara.'"

¹⁶⁰ Hoy izy hoe, "Namboariko haingana arak'izay vitako ilay fanafody, ary nofenoiko ny taratasim-panafodiko." Dia hoy izy, "Rehefa nanomboka nanolotra an'ilay izy teny an-tànany aho," hoy izy, "Rahalahy Branham, njery aho ka nametraka an'ilay izy teo amin'ny tånana iray feno hola-pantsika." Hoy izy hoe, "Nahita an'ireo tsilo teo amin'ny Handriny aho." Hoy izy hoe, "Nakimpiko ny masoko, dia njery indray aho." Hoy izy hoe, "Fantattro avy hatrany tamin'izay fotoana izay, fa arak'izay nataoko tamin'ny 'kely indrindra tamin'ireo Madiniko,' dia nataao Taminy izany."

¹⁶¹ Hoy izy, "Mino an'izany ve ianao?"

Hoy aho hoe, "Amin'ny foko rehetra, dokotera, mino ny teny rehetra amin'izany aho."

¹⁶² Inona izany? Hoy izy hoe, "Nanomboka teo, dia mihoatra kokoa ho ahy Kristy. Satria, teo am-panaovana an'izany ho an'io vehivavy io," hoy izy, "dia sarotra inoana iray izany. Tsy isalasalana fa tsy hino an'izany ireo olona tsotra, saingy," hoy izy, "nieritreritra aho, ny hiteny fotsiny an'izany aminao, satria fantattro fa efa nanana an'ireny fahatsapana ireny ianao."

Hoy aho hoe, "Eny, tompoke. Marina izany," hoy aho.

¹⁶³ Tsaroako, rehefa, Masindahy Martin, namaky ny aminy aho. Fony izy mbola za-zazalahy iray, dia nantsoin'Andriamanitra izy. Mpanompo sampy ny havany. Ary ny rainy dia-dia karazan'ny, oh, tsy fantattro, heveriko fa lehilahy miaramila iray, ary-ary tsara ho an'ireo zanany ny manaraka azy ireo. Nilaza izy...indray andro dia nandeha nanerana ny tanàna izy tany. Adinoko hoe taiza ilay izy ankehitriny. Ary heveriko fa lehilahy Frantsay izy. Dia nilaza izy fa nandeha nandalo an'ilay vavahady izy; nisy lehilahy antitra iray nandry teo, matin'ny hatsiaka, andro tena nangatsiaka. Ary nandalo ny olona, tsy nanome na inona na inona ho azy. Dia nilaza izy fa nijoro. Ary ny olona dia tena nilaza marina tokoa ho mpino, nefà nandalo, namela an'ilay lehilahy antitra nandry teo. Ary nangataka zavatra iray handrakofana azy izy, nilaza fa matin'ny hatsiaka izy.

¹⁶⁴ Ary nanatona teo i Masindahy Martin, talohan'ny fiovampony, ankehitriny, naka ny palitaony manokana, satria miaramila iray, ary nanapaka an'izany hisasaka roa ka

nampitafy an'ilay mpangataka antitra tahaka an'izany, ary nametraka an'ilay hafa teo aminy. Nihomehy azy ny olona, nanao hoe, "Miaramila mahatsikaiky anankiray, miakanjo antsasaky ny palitao." Hitanareo, manao anareo hanao zavatra hafahafa izany. Nisy zavatra tao aminy, hoe nino izy fa nisy Andriamanitra iray.

¹⁶⁵ Tamin'io alina io, rehefa avy nahavita asa izy ka natory vetivety, dia nifoha. Nisy olona iray namoha azy, ary njery izy. Nitsangana teo akaikin'ny fandriany, ary Jesosy no nitsangana teo nitafy an'ilay tapany hafa an'ilay palitao. Izany no fiandohan'i Masindahy Martin.

¹⁶⁶ Inona izany? Nanana fara-teny iray izy, hoe marina ny Tenin'Andriamanitra. "Izay ataonareo amin'ireto Madiniko ireto, no ataonareo Amiko." Rahalahy, mifatotra amin'io Fara-teny io aho. Ary fantatroy fa ny tsirairay avy aminareo...

¹⁶⁷ Raha tokony hanao antso eny amin'ny alitara iray, izao maraina izao, dia neveriko fa ho tiako ny hanao antso fanokanan-tena iray. Ndao isika hanokana ny tenantsika ho an'io Fara-teny io. Mino ve ianareo fa ny Teny no fara-tenin'Andriamanitra? [Hoy ny fiangonana hoe, "Amena."—Mpand.] Mino ve ianareo fa Izy no tsy miova anio tahaka ny na-ha-izy Azy hatramin'izay? ["Amena."]

¹⁶⁸ Misy mpitoriteny ato, tsy ho tianareo ve ny hanokana ny fiaiananareo, fotsiny, haka Fara-teny iray fotsiny? Inona no ilaintsika androany? Inona no ilantsika kara-piombonana iray na taratasy fanendrena iray? Mila an'i Jesosy Kristy isika. Tsy mifatotra amin'ny kara-piombonana iray isika. Mifatotra amin'ny Tenin'Andriamanitra isika hoe, "Jesosy Kristy no tsy miova omaly, anio, ary mandrakizay." Mino an'izany ve ianareo? [Hoy ireo mpitoriteny hoe, "Amena."—Mpand.]

¹⁶⁹ Ndao isika hitsangana fotsiny ankehitriny ka hanokana ny fiaianantsika eo. Izaho dia mila ny ahy, ihany koa. Izaho dia hamatotra ny tenako, indray. Hanamarina ny fifatorako aho, ny vonam-pamatorana. Hanamarina ny fara-teniko aho. "Tompo, raha misy zavatra iray ato amiko, ankoatry Ny Teninao, dia esory izany. Tsy mahafantatra na inona na inona hafa afa-tsy Ianao aho. Tsy te-hahafantatra na inona na inona hafa afa-tsy Ianao aho." Ankehitriny, ny tsirairay avy, amin'ny fombanareo manokana.

¹⁷⁰ Efa niresaka taminareo nandrity ny herinandro aho. Efa niteny taminareo ny Fahamarinana aho. Andriamanitra no nanamarina ny Fahamarinana. Efa Nataony izany hatrany sy hatrany, ary hatrany indray. Fantatrareo hoe inona ilay Fara-teny. Ankehitriny ho ahy sy ianareo, miaraka, ianareo vehivavy rehetra, ianareo lehilahy rehetra, zazalahy, zazavavy, na inona ianareo na inona, ndao isika; ianareo antoko mpihira rehetra, ny rehetra—ianareo olona rehetra ato, na aiza na aiza, miaraka;

ny ao ambany rihana, ny eny amin'ny rihana ambony, manerana ny rindrina, aoriana ao amin'ny lalantsara; na aiza na aiza misy antsika, ndao isika haka an'i Jesosy, ilay Fara-tenintsika, satria tsy maintsy handeha eo amin'ireo lohasahan'ny aloky ny fahafatesana isika. Tsy mahafantatra na inona na inona hafa afa-tsy Izy aho. Izy no Fara-teniko, satria nitsangana tao amin'ny fiainako Izy ary fantattro fa tena misy Izy.

¹⁷¹ Ndao isika hanangana ny tànantsika ankehitriny ka hivavaka. Ndao isika hanao ny fotoam-panokanan-tenantsika.

¹⁷² Tompo Jesosy, Ny Teninao dia efa hatramin'ny fahiny, Izany no fiandohana sy fiafarana. Ankehitriny aho, miaraka amin'ity fiangonana ity, dia manokana ny tenako, indray, eto amin'ity polipitra ity androany. Mangataka ho an'ity fiangonana ity aho, ny Life Tabernacle, ho an'ny fanokanan-tena iray. Alamino ny fahasamihafana rehetra, aoka ho lasa izany rehetra izany, ny lasa anie homba ny lasa. Ireo mpitoritenin'ny Filazantsara, izay manahy...ary mieritreritra fa hisy zavatra hiseho. O Andriamanitra, mamatotra ny tenanay izahay, izao maraina izao, amin'i Jesosy Kristy ilay Teny; ary manapa-kevitra ny tsy hahafantatra na inona na inona hafa afa-tsy Kristy, ary Izy voahombo. O ry Kintana Avaratra, O ry Fanahy Masina, O ry Famantaran'avaratr'Andriamanitra, midira ankehitriny ao amin'ny fo rehetra. Fa manokana ny tenanay ho Anao izahay, amin'ny alalan'ny Anaran'i Jesosy Kristy. Voninahittra ho an'Andriamanitra! Amena.

Eny àry, rahalahy.



FARA-TENY IRAY MAG63-1201M
(An Absolute)

Ity Hafatr'i Rahalahy William Marrion Branham ity, izay notoriana tamin'ny Teny Anglisy hatrany am-piandohany ny Alahady maraina, 1 Desambra 1963, tao amin'ny Life Tabernacle ao Shreveport, Louisiana, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2017 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org